

定軒集十六卷

卷首詩

明黃孔昭撰。無序跋。其六卷為唐初稿。七卷為江西湖北稿。八卷為鄧州稿。九卷為巴州稿。以下皆又稿。凡十七卷。附載御評及少府詩二首。序狀較羣序堂表詞也。

定軒存稿目錄

卷之一

五七言古詩

臺灣國家圖書館, NATIONAL CENTRAL LIBRARY, TAIWAN. R.O.C.

秋雨有感示謝十五世懋

挽趙允孚故友四首

感懷

送侯先生省祭歸

送盧永謐赴房山教諭

貞則堂

讀謝世懋呈鄺尹詩墨蹟

送李亞卿頤養病歸惠安

贈一中僉憲四十韻兼東鳴治

江東歸思送金鳳陽表弟

雨窓別意送二弟孔英歸

送王進士存敬尹溧水三首

奉送十三舅勗齋知漳浦縣

送妻原善郎中膺荐河南治河

題謝孝子遺事

遇兵感肺

剗股愈疾

感夢捐貲

結廬守墓

逸老堂奉壽謝世脩太守

題王中書允達曾祖忠文公青岩

隱居卷

奉石迴瀾

挽楊文懿公維新先生

荷池躍鯉

檜障蟠龍

拳石堆藍

奇峯分碧

卷之二

五言律詩

寄謝世懋 二首

寄謝鳴治 二首

憶賓邦元

冬夜

閒居

冬日書事

分歸去來辭二十題送外父蔡先生

歸田

舟搖輕颶

風飄吹衣

問征夫前路

乃瞻衡宇

僮僕歡迎

稚子候門

松菊猶存

壹觴自酌

庭柯怡顏

南窓寄傲

容膝易安

園涉成趣

門設常閨

雲無心出岫

鳥倦飛知還

農人告春

窈窕尋壑

崎嶇經丘

万物得時

樂天命奚疑

新歲東一中鳴治

和內翰韻

和謝可靜今存二首

遊山寺用古韻

示子備

清樂齋為楊允昌賦

送戴豪進士歸舉姻用謝內翰韻

卷之三

七言絕句

偶書至林一中謝鳴治二首

和謝靜可九日二韻又作二絕以寄

偶成四首

雪晴

雪夜大風

題小畫今存二首

為金從頸題菊竹小畫二首

送李若虛憲副提學浙江三首

題謝鳴治梅花二首

寄謝方石二首

題紅梅送人

和方石答送新釀

題桃源圖

卷之四

七言律詩

秋日郊行

早起

聞林一中歸

憶先寵

冬至呈諸同志

梅花

題趙子昂所寫陶震士五柳圖

贈涿州知州孫忻

雍睦堂

東顧軒為鄭氏賦

送十三舅之南京太學

挽林節婦林貞太學祖母

壽袞寧舉人曾祖母一百二歲

送同年姜廷器知寧海州

挽年司徒

春雪二首呈一中鳴治
和鳴治韻兼呈一中

次韻一中鳴治聯句

雪晴思一中鳴治來過

送趙維恒赴任南陽同知

扳番圖題贈秦方伯克恭

送陳士質繡衣

送徐原一職方歸省

送繆思敬南歸

壽謝老編脩受封命

挽劉郎中母

送林汝和之官南京

挽白司馬父

送劉時雍主事便道歸省

寄謝愚得員外

卷之五

七言律詩

送沈澐之令盧氏

春日郊行

送趙太守之任楚惟分韻字韻

和謝內翰秋雨述懷

用謝鳴治翰林韻寄復室慶太守

送陳思召縞脩歸省

林一中家會謝鳴治飲歸次一中

昨日餽以呈二友

挽高憲使父序班

送親翁鮑簡菴太守之任夷陵

送姻弟蔡元灵驛丞還家

和謝宝慶太守會總菴韻

挽同年李永通學士

題松鶴圖壽戴先通太學乃父七十

題謝侍郎一夔父汀州忠愛祠

感懷

送謝典史之任新昌

簡陳士賢縞衣

送林克冲黃門使暹羅

答謝內翰鳴治寄來韻

送大用憲副赴任雲南

寄贈王存敬出守興化

和答方石白冕韻

和方石三亭聯句韻

望海亭 仰高亭

采藻亭

和方石齋居有懷韻

俟方石不至書以以問

和方石齋居韻

方石示謁

孝陵詩謹和韻同致其感

送林蒙菴致仕

次方石致仕韻

復方石招登雞鳴山韻

新嫁詞

沈文瑞書至讀而書以

田婦行

過盧溝橋

謁樓桑廟

過涿州感舊

金臺驛懷古

唐縣問先封

倒馬關

懷謝鳴治進士

有懷諸同志謾書以寄

陳儒珍

張存茂

謝世懋

林一中

趙貴積

懷外父慕慕居士

江西湖北稿

訪徐子亭

望盧阜

獨坐懷故人

望鸚鵡洲

望漢陽城

雨霽

卷之八

鄧州稿

雜言二首

自戀

題畫巻書蘇內翰韻

枕上謾吟

題劉亞參墨竹贈存菴

答謝世治見寄韻

和存菴韻謝李侍御惠桃年鷄

謁諸葛武侯廟二首

九日登紫金山

臺灣國家圖書館, NATIONAL CENTRAL LIBRARY, TAIWAN, R.O.C.

高橋書屋章方伯十詠內二首

前舉先榮

卷之九

池州稿

憶子浦

憶謝鳴治

獨生有懷

泊大通驛

荻港阻風

日暮復雪

憶謝十五世懋

次日舟行阻風回泊舊浦二首

憶林秋官一中

會同館觀沈氏故物

聞事有感

寒夜獨坐

卷之十

奏稿

提上

慈懿皇太后山陵事

奏乞移封父母

奏乞休致

荐知府樊莹

奏乞考滿

荐僉事章懋

卷之十一

襍文

交遊別錄序

宗譜備錄小序

重脩譜圖大宗小序

重脩小宗譜圖小序

宗譜傳小序

宗譜婚姻世考小序

宗譜居徙世考小序

宗譜墳墓圖志小序

寄淡室王公七十序

方先生遜志齋集後序

靈璧縣疏濬小河記

義學教條

題世科錄後

卷之十二

行狀

謝君世懋行狀

松塢府君行實

亞卿林公行狀

廣東左布政使陳公行狀

卷之十三

表志

福建按察司僉事林君墓表

蔡俟軒先生墓表

曾大父統五府君墓表

季趣處士金公安人黃氏合葬墓

誌詔

卷之十四

祭文

祭謝靜可世懲文

祭致仕少司馬吳公文

祭參政國時雍文

祭廣東左布政使陳士賢文

祭福建僉事林一中文

祭黃恭祖父母墓文

祭黃恭父母墓文

卷之十五

書

與姜廷器書

與林一鵠侍郎書

與陳儒珍書

與袁德純書

與陳敬所書

與謝愚得太守書

與金華陳太守德脩書

與魯府尹書

與張時敏提學書

卷之十六

讀通鑑續編

宋元符元年戊寅一條

宋宣和二年庚子一條

宣和四年壬寅正月一條

宋靖康元年丙午二條

靖康二年丁未四條

宋建炎三年己酉二條

建炎四年庚戌二條

宋紹興元年辛亥一條

紹興二年壬子二條

紹興三年癸丑一條

紹興六年丙辰二條

紹興七年丁巳二條

紹興十年庚午一條

紹興十一年辛酉二條

紹興十二年壬戌一條

紹興十七年丁卯一條

紹興二十四年甲戌二條

紹興二十六年丙子一條

宋隆興元年癸未四條

隆興五年己丑一條

隆興六年庚寅二條

隆興七年辛卯一條

隆興八年壬辰三條

宋淳熙三年丙申二條

淳熙四年丁酉一條

淳熙五年戊戌一條

淳熙七年庚子一條

淳熙八年辛丑一條

淳熙十年癸卯二條

淳熙十三年丙午一條

宋紹熙五年甲寅二條

附錄

御祭文一道

吏部等部尚書王恕等祭文一道
南京吏部等部尚書等祭文

一道

應天府尹樊瑩祭文一道

浙江布政司右叅政林同祭文一道
吏部稽勲司等司郎中周木等祭

文一道

南京江西等道監察御史王鑑之

等祭文一道

南京工部營繕司等郎中安康等

祭文一道

南京國子祭酒謝鋒祭文一道

翰林院檢討應寵等祭文一道

南京吏科給事中邵誠祭文一道

表姪中書科舍人蔡餘慶祭文一

道

寧國府知府范吉恭文一道

興化府知府王猶恭文一道

休寧儒學訓導從子倫恭文一道

工部司務段澄等恭文一道

先考定軒府君行狀

明南京工部右侍郎黃公墓誌銘

明故通議大夫南京工部右侍郎

黃公神道碑銘

侍郎黃公傳

侍郎定軒黃先生哀詞

定軒黃公遺像贊

南京工部侍郎黃公輓詩序

定軒存稿目錄終

定軒存稿卷之一

五七言古詩

秋雨有感示謝十五世愁 戊寅秋作

秋睡寒未足曉雨滴前除攬衣起徬徨不
見春風時花落有餘芳葉脫無全枝野鳥
不知暮查：鳴為誰愁隨雨步歇心逐孤

雲馳

挽趙允孚故友四首

花謝木不榮香銷蘭始萎奈成未為用中

定軒存稿目錄終

定軒存稿卷之一

五七言古詩

秋雨有感示謝十五世愁 戊寅秋作

秋睡寒未足曉雨滴前除攬衣起徬徨不
見春風時花落有餘芳葉脫無全枝野鳥
不知暮查：鳴為誰愁隨雨步歇心逐孤

雲馳

挽趙允孚故友四首

花謝木不榮香銷蘭始萎奈成未為用中

道遠何之黃甲有高第不見題名時旅泊
二十年辛苦將何為空遺程世文重為身
後思天命苟如此壯士徒傷悲

游子離古鄉高堂悲白頭駟馬望不來空
見江上舟拊棺呼兒泣悔使覓封侯生與
骨肉殊死為功名羞西山一坯土到此万
事休翻憶買書時腸斷淚唯收

遊魂渺何許万里遺孤孀月落夜烏啼怨
此燈燭光方悲去日短轉念來日長獨抱
黃口兒何以終身望茫茫死無知生者祇
自傷奉襯歸舅姑誓言守空房

臺灣國家圖書館 NATIONAL CENTRAL LIBRARY, TAIWAN R.O.C.
北風何蕭瑟吹動孤兒惟孤兒啼索乳未
解挑杖表人死不復生兒長會有時雨露
重恩蒿何處憶容儀故書在弊篋手澤猶
可追已矣莫深恨天意諒在茲

感懷 方承部命顧念遠期三月还
事忽于子茲進德脩業百歲哉何
感而述此用以警予

驅車舍荒郊深畏期會長炎光一轉輪忽
忽及秋陽感茲迎景馳力倦心皇大道
無停駕繁簡有餘章及壯不自樹老矣徒
悲傷聖人布乾象靜觀宜自強

送侯先生省祭歸

水流顧其沚木大庇其根祿養不逮時負
此天地恩煌煌五花諧龍光貴丘原翹首
望故鄉西風吹白雲乞身禁垣裏理禪清
河瀆慶恭理蕪穢恪誠羞苾芬交遊企前
輦相送出都門感茲思悠悠淚落秋水渾

送盧永謐赴房山教諭

雨脚夜如麻深塗泥行轍有客念公期侵
晨駕言別房山齋嵒堯白雲近可擷握手
臨路岐長懷何憊憊慨彼蘭蕙花托根在
岩穴清香隨風飛過時無採掇淡薄唯自
珍艷媚易為悅人情諒如此天命胡可越
颯々絃歌裡青衿儼咸列願言崇新化慰
我相望渴

貞則堂

方岩齋差峩屹立秋空碧六丁不可移天
地相終極下有苦節人貞心夜生白耿
明月輝照此千仞壁從一分所宜寒灯未
足惜艱唯撫弱孤展轉腕橫逆黃金易人
情相顧誰為力珍彼嚴侍兒之死矢靡慝
影端視其表胡乃非母德清風消江沱愁
雲連墓柏遂令皆庭前芝蘭轉繁碩錫頰
信有常天道豈玄默升堂考厥名磨崖寫
新刻狂瀾日亥、永矣閨門式

讀謝世懋呈廊尹詩墨蹟

手披故人詩雲錦爛如纖兒、筆墨間風
來見疇昔回想桃谿水方巖自千尺念舊
肝膽歲規興美刺孰非仁民澤卷之不盈
抱野之通寰極聖朝重科目鄉相胥此
擇敏速利年少所貴非所得千百倍計來
雖多亦奚益以茲荆刺闡反為賢智厄嗟

彼斯人往九矣邦之特逢時或自効方圓
就矩矱棟梁與桷棖用之隨所適示貌不
示心奇貨誰能識沉埋失光采中道竟成
暗天應徇時好福濤不愛德區区懷巧者
竊志飽肉食君生不我顧君死重我惜逢
人誦君詩庶以一傳百朝廷或有知大
開賢路塞後先興文人能不懷愧色寒骨
雖無補激發自君力已矣復何言良為窮
士則

送李亞鄉顚養病歸惠安

臺灣國家圖書館, NATIONAL CENTRAL LIBRARY, TAIWAN R.O.C.
峩々六卿佐清班儼崇秩况乃君臣契白
頭保終吉司空獨何見急流勇陳疾情懇
尺疏短詔許在條忽奉賜溢流泉具資
無長物叱咤群吏奔願捐百僚屈顧茲田
園芳何如廟堂逸君子秉大義卷舒興道
一懷宝非苟處載贊非苟出二疏仰高止
厭志漢輔弼清風激人主黃金賜百鎰閨
中林大夫陝北王樞密百兩祖道周前作

後有述群情倒秋波眼底驚突兀郎署無
重責慚竊抱終日自憐羽翮短千里遠相
失念彼葵藿心耿耿魯漆室畎畝苟可忘
後樂吾所畢

贈一中金憲四十韻薰東鳴治

流水各有道浮萍况無蹤狂波委激浪莫
西乃朝東逐々車輪馬不殊薰與鴻蹇澁
恥匏繫局促傷樊籠仰視天地外森羅方
寸中周席坐終旦孔轍環四封杖劍出門
去誰不願遭逢壠上龐公息廡下梁鴻春
富貴苟足慕爵秩固所崇念我夙昔好惟
子與超宗發跡既越區翼兌驚叢惑今
志未已學古力未窮清署白晝間此心恒

仲德荷

主君聖量服官長洪淺薄

信無似包覆如有容藉此竊身貴慚彼及
物功輒軼惜故步驅乘願匪躬予來授官
後淬礪發硎鋒肅々外臺憲簡僉副至公
過越閩水分薄海閩山通清樽咫尺地碧

雲千萬重馬頭拂楊柳豈無別離悰出門
即天涯那飢顧飄蓬道義幸不棄出處何
必同殿庭隔山岳垂旒仰至聰窮林獸
得攫濁水魚澄竭傍石一朝儲杼軸万室
空昨聞山東報賊薄溝整充撫事重相念
有識誰不恫方時務姑息展轉相蔽家百
弊日益滋蟲賊紛內訌手提一道邱白日
走青驥口宣天子命恩言慰疲癃憂勤心
所至興革隨所庸湏知緩急序作事非忍
忽矯異豈為鄰搏擊非為患况乃葉浮奮
顛倒驚盲聲古人就大業推擴盡心胸万
里始今日俯首跂高風予行勿留恋吾道
情有終

江東歸思送金匱陽表弟

奇山高峩浦水何湯東西有第宅棟
宇相輝煌之子懷遠志謁來觀國光
京國天下尊文物會衣裳杖策恣遊覽心
宵豁以張夜雨暎初歇葛巾生微涼回望

憶故靈万物生秋光蟋蟀鳴東壁禾黍登
西塲感茲傷離別歸心繫馬轡握手岐路
側與子傾中腸女蘿附松柏引蔓故應長
矧以世姻婕恩好豈能忘彬々諸父輩詩
書有餘香相宅忝承乏歸妹喜相當珍重
遠來意信足慰所望願言少遲躇盡此一
壺觴後夜看明月各在天一方

雨窓別意送二弟孔美歸

臺灣國家圖書館 NATIONAL CENTRAL LIBRARY, TAIWAN, R.O.C.

爵：連理枝噭々鳴鴈序感茲物意長戚
戚念兄弟周公賦棠棣還復歌行葦邊豆
及爵竿形跡聊爾：顧伊豈異人手足元
一体天性返自然生死同憂喜俗降逮河
潛雅亡傷葛藟所以後世人徇名稱美被
彭城風雨夜如彼二蘇子我生夙孤蹇梵
梵何恃怙倚念爾弟妹各在齠齶裏提携
出京邑艱難歸故里幸茲室家成庶不墮
先緒青雲糜薄官骨肉難常聚使車自池
陽倏忽驚六祀今夕復何夕共此客窓雨

青灯坐深夜傾倒極終始吹埙固云樂感
舊情無已長安故時第蹤跡半非是籬蕙
秋著花我酒寒可醑爾來不湏更如何遽
南駛豈無好衾稠可以少容與回首泉溪
山俟門有兒女先壠曠時省荆棘將誰理
臨風听萬瑟眷戀欹垂涕亮無徒羽翰安
得同高峯嗟々我所生屬望良有以道德
各自樹恩業自不弛何必昵情好始為令
兄弟洞山故宗廟老成喪無歲松塢歲寒
枝花覆尚千載願言日斯征母為鄉曲指
區々別離間棄置勿復語

送王進士存敘尹溧水二首

臺灣國家圖書館, NATIONAL CENTRAL LIBRARY, TAIWAN, R.O.C.

都城列万户槐棘森諸司豈無寬閒地容
此清淑才九重軫深念四海起癃疲卑
興慎民牧令尹重首咨讀書尚平生幸以
行道期俯身視溧水百里良可為
律呂遞相宣秋步入林杪鴻毳遵陸渚鹿
鳴思野草之子畏簡書夙駕不俟曉臨岐

重執手欹別傷遠道丈夫生懸孤直志連
四耒豈必同樽罍始足慰懷抱令德苟相
聞在別情亦好

奉送十三舅易齋知漳浦縣

參義勸秋風游子苦何恃翹首望浦口欹
報恩無地乙未歲初來舅忽自南至京師
殊鄉邑薄酒不能醉左右日趨承重慰懷
親意昨朝奏大銓州縣慎長吏掄選及
老成付授惟牧字王程戎實嚴骨肉別
寧易忘岐路側不忍平生淚念舅貴舍
英致澤故有事登科屈少年量德宜高位
顧茲百里邑豈足淹騏驥俯身視黔黎滿
眼生凋悴賑恤非至仁存活將何計漳浦
遠東南文公有遺愛區喪冠間猶幸存
禮義吁嗟辛物人誰為復古治甯宅喜有
相何甥愧無似廟庭盡蒐羅棟桷偶不棄
簪筆侍螭頭佇看書上最

送婁原善郎中膺荐河南治河

我生告不智於事無所能飭：守朱墨羞為才者稱子學自鶩湖講道有家承推以濟時用隨處生光利今膺司徒荐遠赴河南行治河古所難順水功乃成惟子慎經營廟自此升治國如治水無事為昇平

題謝孝子遺事

遇兵感帥

干戈動四海家室無全人吾生亦何恃奉母忘晨昏身死固可愛、母逾愛身願與母俱死不顧身獨存閑門就執獲甘旨猶在陳矯、軍中帥顧盼生酸辛縱遣無湏臾撫慰良殷勤因之驗人心仁義固其真

剖股愈癥

我身匪頑石敗傷寧不知母病迫蒼皇身隨肝肺摧顛天乞身代天遠人難期母生苟可活身捐足足辭執刀剖股肉落和為糜精誠有感通入口母病除羗血臥床

下喜擇踰常時我心良自盡奚以旌門為

感夢捐貲

人子有至孝念々恒在親安危及憂樂動
興心通神昨夜夢还家母粧儼如新冥心
卜休咎汙流驚洽身被服出門去千里盡
馳奔辛苦十年資棄捐如路塵吁嗟吾孝
子屢陵令無倫朝夕兢刀雖忘親亦何人

結廬守墓

親殯在中堂掘柩心有思親葬在深土荒
草空離々結廬居墓側呼號近庶哉泉壤
隔幽明聲咽親寧知惟茲肺肝血長流無
盡時滴々貫沙石恍惚覩親儀愁月照山
鬼酸風泣岩裡孤光千万情如此柏樹枝

逸老堂奉壽謝世脩太守分始字韻

嗟々康樂翁愛民如愛子三年郡有成遷
爾翻棄委豈其慕高潔富貴輕脫屣緬懷
聖賢時行或時止學孔翁素心讀書圖
致理尺疏千言經綸道在是宝慶古頴

川桃溪今乘里出處去就間知翁良有以
開堂面南山蒼翠在屏几魚鳥悅性情松
菊視採復燕會彝叔敦禮祠孝敬始禮教
洽井閭藹文風起翁慶我有師翁出民
受祉民祉及當時我師永千祀啓迪仰高
堂安逸寧為已方山啓前途玉峯遵後軌
斯道降燒陽搃訥差可擬洙泗源自深日
夜流無已蹠瀨維我翁勿貽諸老恥

題王中書允達曾祖忠文公青岩

隱居卷

臺灣國家圖書館 NATIONAL CENTRAL LIBRARY, TAIWAN, R.O.C.

瞻彼青岩山雙澗有餘波昔人乘雲去悠
悠松與蘿遜志豈終往仕祿匪吾華時戾
道斯巷道舒興時和簡嚴馬氏筆懦榜興
人歌漢廷有使賈滇南無尉陀節在義不
辱死與生孰多念維經濟才未老竟嗟跎
贈謚禮有常祀饗恩則那及兹百年下
浩氣青霄摩石室發遺文流傳視鈕軒澗
深靈難測岩高人莫過談言意不盡再拜

仰瞻峨

拳石廻瀾

滔々東逝水千載無迴波中流屹砥柱如此拳石何臨風試送想激搏步未和移舟

南浦秋光沙際多

挽楊文懿公維新先生

憶我分曹初浙才萃王宮老成六七輩
同心亮天工公時秉文筆翰苑獨稱雄易
學汎慈湖精微得其宗肆力及諸書浩

波瀾充私抄百餘卷閨洛有異同我慚才
蓬短何以撞洪鐘家錄適有求大篇賜眷
容弘治仰新化少宰恩方隆尺疏千万言
敦陳極深衷國書託始卒台昂望登膚
梁木中道殂思賢將何從英、堦庭下戒
業亦高崇曠蕩身後恩負荷良無窮碑
板照四方因名遷考終壽位止如此落日
生悲風

荷池躍鯉

鑿池種蓮、出水綠雲深；見遊鯉金鱗。
暉日跳珠來玉花傾，露番人語香落枕波。
夜月寒悠然丈地寬，滄海待得春雷動，禹
門還騎仙子隨龍起。

檜障蟠龍

蒼檜當軒老盤錯，五丁強把蛟龍縛。秋風
無地起波濤，春雨長時戰頭角。忽然雲霧
生爐香渺渺，不知庭戶隔海門。天闊夢歸
遲，翠影半窓山月白。

拳石堆藍

白石累々謾堆積，百年不任苔花蝕。簾收
輕霧出奇奇，恩渥細雨生寒色。眼底青州
小，一拳袖中東海高。千尺歸來踏月看，雲
根春風吹上吟袍碧。

奇峯分髻

閉戶看書坐清曉，眼底疊山相對好。雙髻
亭亭冷暮雲，短髮蓬蓬淡。春草月鏡風梳
不惜粧，白雪千古吹難老。君去來從玉女

峯試看宮樣高多少

定軒存稿卷之一

定軒存稿卷之二

五言律詩

寄謝世愁 二首

憶昔經遊地
村烟幾處
鷄水流紅葉
遠山度白雲
低鳥雜猿啼
樹藤交竹覆
溪登雲橋上
路彷彿夢中迷

日月書中趣
烟霞野外情
秋花看不落
晚蘋听還生
石淺苔痕湿
林空鳥夢驚無為
風景滌相伴
出山行

峯試看宮樣高多少

定軒存稿卷之一

定軒存稿卷之二

五言律詩

寄謝世愁 二首

憶昔經遊地
村烟幾處
鷄水流紅葉
遠山度白雲
低鳥雜猿啼
樹藤交竹覆
溪登雲橋上
路彷彿夢中迷

日月書中趣
烟霞野外情
秋花看不落
晚蘋听還生
石淺苔痕湿
林空鳥夢驚無為
風景滌相伴
出山行

寄謝鳴治

上國新分首鷄壇重盡簪青灯荷

主意赤日繫人心花發長依樹雲飛不出

林鷄聲茅舍月終夜起孤吟

白水亭秋色青山帶雨痕經年不到處立

石轉成門姓字居人說駐名過客尊呷唔

声未斷千古謝家村

憶賀邦元

寂寞逢今雨交遼記昔時京華双客歛

湖海幾人師故物生新態長懷入短詩金

門兩街月清夢尚相隨

冬夜

山城收夕照霜氣肅乾坤衆籁坐來寂踈
星看處繁青燈孤塔寺黃葉武家村對卷

不成寐何妨問酒樽

閒居

塵事已無累閒門長自開鶴驚秋夢轉鵠
報故人來掃葉邀新月臨花瀉舊醅此心

多耿：一笑付寒梅

冬日書事

遠水竟長空飛來何處鳴寒雲不成雨落葉盡隨風潮縮渡頭則菊留秋後叢欹覘無盡化更出小牆東

分歸去來辭二十題送外父蔡先生

歸田

舟檣：輕颺

野渡舟橫久秋風解纜歸水將鄉思遠雲
共宦情微短棹衝鷗起孤帆帶月飛不妨
波浪險清夢在渙磯

風飄：吹衣

出峽風千里清來漢水濱吹醒今日夢落
尽故衣塵舞柳涼生袂穿花香滿巾倚蓬
成獨立誰是後歸人

問征夫前路

異鄉愁日暮回首問征師深樹不知處亂
何山所之遙看天盡際可是路窮時野獸

觥欺客歸騶莫自遲

乃瞻衡宇

行：吳地盡望：白雲平傍水認何處到
家無數程依稀五柳樹彷彿舊柴扃疾步
穿林去不知花濕纓

僮僕歡迎

家僮聞鶴囀知是主人來徑葉和雲掃山
扉帶月開棄鋤爭解劍燒笋謾供杯共道
離家後石田多草萊

稚子候門

別後添孫子藍田種玉輝隨群出門望拍
手喜翁歸未解平安問觥穿學舞衣何湏
看白鬢因此竟前非

松菊猶存

高情在松菊開徑檢秋光樹老猶蒼色叢
深是舊行細花迎馬落清氣襲衣香對此
成賓主玄都桃自芳

壺觴自酌

設解高人趣惟應醉裏求
閑花留獨酌明月許相酬壺大堪客世
杯深不貯愁醒佩蘭客恨滿楚江頭

庭柯怡頤

藹庭前樹三年不見之春風此何日樽酒復支頤淨綠含新意閑紅斬故思夕陽看未足詩興在黃鸝

南窓寄傲

醉倚南窓下野花相對紅如何五斗米能直一株風軒冕青山外光陰流水中山義皇人已遠一笑寄冥鴻

容膝步安

斗室終容足白雲分半間歲脩有餘地俯仰少慚顏山色依簾靜溪步入夢閑琴堂高百尺落日可曾闌

園涉成迷

東風理蕪穢荒圃旋為畦舊葉緣松上新花與菊齊摘蔬春滿地送酒客成蹊歸趣

應多愜紅塵任馬蹄

門設常闕

柴門鳥步亂白晝閉蒼苔籬菊看山坐車
塵斂客來夢中春幾日牆外綠成堆世事
多應隔曾緣送酒開

雲無心出岫

雲也心何有遙看靜翠微悠然觸石起偶
爾渡江飛天際徒龍化岩前伴鶴歸万松
閑半屋相與客忘機

鳥倦飛知還

林鳥辭巢去飛々雲漢間自憐秋翻倦獨
背夕陽還靜樹知心遠高花覺夢閑綢羅
空自齋應不到深山

農人告春

鄰父知農事相呼詰旱耕石田方脉動野
燒已春生數日蓑苔雨千林布谷声茫然
驚倦客信杖出南城

窈窕尋壑

歸尋何處整窈窕傍襄城桃葉無人渡天
光一水平幽源連鳥入靜岸看花行落日
須回棹胡麻易世情

崎嶇經丘

委羽山前路東風引興長牽蘿落松子踏
石破雲光鳥護春林靜蘭薰晚徑香猶嫋
觀望近更上最高岡

萬物得時

春色都應到山中竟自私草深藤結蔓花
亂樹交枝濕薰翻芹雨晴鷗落硯池人情
與物意悽張未歸時

樂天命奚疑

櫛頭周易在進退早能知白首辭官日玄
毫協兆時窮通三尺剝得失半枰恭委羽
今陶里行：不自疑

新歲來一中鳴治成化戊子歲

昨朝方改歲明日又逢人歷碌應何事嗟
跎失此身風烟千里目楊柳万家春且將

心自浣耶與物俱新

答謝鳴治見寄韻

別君千万緒，翹首望南行。
一半思鄉淚，翻為試續情。
眼看親舍近，心逐馬蹄輕。
世事如雲變，相聞莫漫驚。

和謝靜可三首

娘兒將信達遠客，未言歸衆口喃。
在秋光故、遲秦淮，非別路。風雨尚征衣。
明日知何日，行歲對落暉。

潮落澄江月夢魂，驚別離如何。
憑短札許可慰，相思世路車千轍。
人情酒一卮，山桃與蘿菊各自惜。
逢時

自分功名晚，還於燈火親。
分明紙上語寥落，意中人。
瀛海長閨夢，風波不任身。
相期顧芳伴，無意謝青蘋。

遊山寺 用古韻

山隱招提境入穿，松柏林鐘聲出樹遠。
塔影到池深，掃葉分僧石。
听猿坐竹陰，禪閑。

秋草滿索寞向誰吟

示子甫癸巳年

年華隨曆換世事皆人馳對卷無閑語局
門自得師功隨心到處名與學成時舐犢
情無盡丁寧五字詩

清樂齋

大象涵無際微軀藐一塵空洞何許地沉
遼此中春泉石足清致軒裳非俗倫閑教
心絕累動興物皆新秋水詩情遠春山樂
事真酒醉花墮席生起烏隨人剪錦衣堪
製蔣蘭佩可紱壘空澄湛露海潤緹遊鱗
北陸三陞陟南窓一欠伸百年今落二回
首越江濱

送戴豪進士歸舉姻

銀河將駕鵠仙客漫停驂車幸歌傳雅桃
夫化自南鄉邦於此盛

恩寵許誰貪矯々鷄群鶴英々天下男文
場詞獨騁寧海理能採葉對堯天九雷驚

禹浪三降今心未厭尚古氣猶辨道可授
時溺才能救世快金鑑不受選玉陛暫辭
忝三世人重慶十年澤遠覃荀陳星倏見
秦晉樂何堪惕若心恒在威如象可諳三
綱天下重万化此中含老拙無予益謙恭
反尔慚燕鴻鄉思遠風雪客途艸人事紛
吾目清樽待共談

定軒存稿卷之二

定軒存稿卷之三

七言絕句

偶書呈林一中謝鳴治

春雲曉壓玉堂寒錦帳屠蘇夢自安臺上
双鳥啼散懶玉孫醉起不須彈

翰林十日新詩來愁落彭城揆未開獨笑
寒香過橋去數步仙犬隔蓬萊

和謝靜可九日二韻又作二絕以

寄

禹浪三降今心未厭尚古氣猶辨道可授
時溺才能救世快金鑑不受選玉陛暫辭
忝三世人重慶十年澤遠覃荀陳星倏見
秦晉樂何堪惕若心恒在威如象可諳三
綱天下重万化此中含老拙無予益謙恭
反尔慚燕鴻鄉思遠風雪客途艸人事紛
吾目清樽待共談

定軒存稿卷之二

定軒存稿卷之三

七言絕句

偶書呈林一中謝鳴治

春雲曉壓玉堂寒錦帳屠蘇夢自安臺上
双烏啼散懶玉孫醉起不須彈

翰林十日新詩來愁落彭城揆未開獨笑
寒香過橋去數步仙犬隔蓬萊

和謝靜可九日二韻又作二絕以

寄

此日何如夢裏時多情翻笑菊參差菊殘

猶共守故葉長路風塵多別離

笑探杖信菊花前擬到相逢意百年鴻鴈

自成天外侶獨吟蘿落又殘年

歲：無端桂子秋眼看平地使人愁可將

短髮隨年少還逐新步過別樓

好把浮名與命期休磨明鏡照歡悲于今

白髮無公道妍睞祇應心自知

偶成四首

春動京華終一日鄉溝脉水流波試依

宮樹看新葉蠧理枯枝柰爾何

白髮旋生今日事羞將故意問梅花祇緣

榮利人情好多說前倚勝後衙

白日朱門歌舞地閑粧頭樣逐時新相逢
莫自談民病無脚難為紙上春

蟲：邊城天万里隔年烽火照西陲將軍

自喜多籌策生對轅門謾賦詩

雪晴

雪來可喜住亦喜郊外居人種二情深巷
烟飛偷趁食少延餘命麥田生

雪夜大風

兩眼經年總一白西園稀瑞不論春飄搖
怪却風吹去委積山崖更水濱

題小畫

玉龍拖影落澄潭天際群峯擁翠藍自愛
清泉出門望不知春色滿江南

江空木落夜漫漫万里秋生白鷺灘明月
一輪天似水可人詩思在闌干

為金後顥題菊竹小畫二首

秋老江南草欲荒獨依白石伴脩篁未應
釋褐歸瓊島誰信東籬晚節香

此君林下別多時滿眼東風楊柳枝今日
披圖忽相見清標勁節故依依

送李若虛憲副提李浙江

官僚共服經綸手天地先分造化爐試鼓
春風大陶鑄功成此是治平圖

長江來去東流去落日狂瀾可奈何千古

閔西無子厚格心誰說到鄧軻

六經延蔓多枝葉扶植誰能一剪之今日
送君南國去此心万里共馳驅

題謝鳴治梅花

上林無地著孤根冷淡江南獨擅春雪後
園林知已少清香憶折龍頭人
水邊未識東風面畫裡冰姿迥絕塵玉笛
千年吹不老看回東閣更精神

寄謝方石二絕

百年日月去如流一別如何動十秋可是
官途無定跡空將萍梗怨交游

夢裏相從謁紫宸竟未身在大江濱何
當了却公家事共對青山說古人

題紅梅送人

羅浮仙子故清奇九轉丹成換玉肌誰折
一枝江北去杏園雪後使人疑

和方石答送新釀二絕

春風催柳已相持
大壘浮香小壘藏
翻憶十年前客裏
官厨有酒共誰嘗
沃心未信酒能洗
義槩文華本自豪
天地古今歸一味
案頭多見柏和槽

題桃源圖

桃花樹葉村之樹
雲白烟青處之山
鷄犬太平迎客慢
不如流水出人間

定軒存稿卷之三

定軒存稿卷之四

七言律詩

秋日郊行

偶因携客出橋邊
長立西風思惘然
雨濕曾峦寒照日
天圍平野遠浮烟
開花落樹明秋浦
脫稻舍香入暮年
看盡飛鴻重回首
數声渙笛隔前川

早起

曉窓無柰草虫鳴
獨遠空階踏葉行
月伴首教声渙笛隔前川

春風催柳已相持
大壘浮香小壘藏
翻憶十年前客裏
官厨有酒共誰嘗
沃心未信酒能洗
義槩文華本自豪
天地古今歸一味
案頭多見柏和槽

題桃源圖

桃花樹葉村之樹
雲白烟青處之山
鷄犬太平迎客慢
不如流水出人間

定軒存稿卷之三

定軒存稿卷之四

七言律詩

秋日郊行

偶因携客出橋邊
長立西風思惘然
雨濕曾峦寒照日
天圍平野遠浮烟
開花落樹明秋浦
脫稻舍香入暮年
看盡飛鴻重回首
數声渙笛隔前川

早起

曉窓無柰草虫鳴
獨遠空階踏葉行
月伴首教声渙笛隔前川

殘星落高樹鍾隨斷鼓起荒城九峯雲暝
生秋思五鳳樓高想珮声待看海門紅
日照碧桃花外賞新晴

閨林一中歸

萍散東風御水濱江雲日暮嘆參辰橋
門厭听催班鼓鄉國來尋結社人湖海已
添新歲月庭前还逐舊衣巾馬啼剝有閑
光景待爾同遊後度春

憶先壠

江頭烟樹自村々先代衣冠冷故園春去
秋來双白鶴月明雲暗幾黃昏舊栽松柏
將遮壠新剪荆蕪未過垣恨落長溪流不
盡何年來表墓前門

冬至呈諸同志

懸衡會自試低昂復下潛生一晝陽日線
引長來几硯葭灰吹暖入勾芒九重雲路
開寒色万里河流凍新航莫向西風嘆寥
寂梅花開遍見春光

梅花

雪消蘿落未全開，精彩新從禹廟回。
冷盡含風皆人笑，暗香和月入詩來。
不將正色掩群品，直送春光到九垓。
商鼎調羹望成實，設吹鐵笛夜相催。

題趙子昂所寫陶處士五柳圖

高情豈為折腰歸，自信功名與達違。
眼底江山今落落，門前楊柳故依依。
長條有意留春住，落葉無心出院飛。
畫史臨池謾追憶，東風吹老午山薇。

贈涿州知州孫忻

輦下封畿切，帝仁一朝分竹付儒臣。
謾將芹藻半池雨，散作桑麻千里春。
字下不妨新政拙，却金還守旧禋賓。
百年如閱脩廉傳，共羨徂徕有後人。

雍睦堂

春風心事久難平，忽听墮簾第一步戲絲。
長聽雲外影對床，不盡雨中情氣蒸椿樹。

秋難老祥萬壹花稅自榮義利到頭湏識
取莫令憔悴對田禾

東觀軒為鄭氏賦

高堂無處想衣冠翹首東風馬鬣寒愁滿
空山雲幾尺望高滄海日三竿離春草
生眉睫淡秋梧映藥欄白鶴不知人思
苦遼陽一去路漫

送十三舅之南京太學

客中送舅難為別後思親更欲番越嶺
有雲遮望眼渭陽無馬載離愁龍門調古
琴難賞璧水光寒劍未收試向婦娘問期
會春風三載向江頭

挽林節婦林貞太享祖母有旌表門

簷下重門怨獨居夜烏啼折一燈虛憑待
機杼供姑食看長兒孫讀父書白髮漸生
鶯去後母心不改嫁來初萱花零落祝何
在千古行人望里闇

壽袁寧舉人曾祖母一百二歲

諸郎膝下鬢成絲。阿母堂中齒更光。
眼見曾孫科第日。身經四海太平時。
壽過一百徒如此。桃冉三千熟。有期詩出逢人吟。
不惜為傳盛事滿京師。

送同年姜廷器知寧海州

一自瓊林騷宴來。壯懷長許與君開。
朝可有容身地。北海應煩治郡才。
雲路入頭看。笠蓋陽春到。愛變蒿莱散。君著步元
城上公。道悠幾日回。

挽年司棟

三朝卿士寵恩優。老去頰頏聖主留直
氣。能杠千斛鼎。清風不媿一孤裘。儲君共
識經時畧。荐士誰知為國憂。昨夜明堂梁
木壞。夕陽何處夢伊周。

春雪二首呈一中鳴治

春雪無情竟日霏。上林春色故相違。
待教重霽寒初盡。已竟泥深花半稀。亂挾朔風
驚宿鳥。輕隨行馬溫。朝衣捲書獨坐無聊。

賴喜有高軒欵夕霏

黃紬被裡听晨鐘
門巷春寒雪半封
官爲隨人空老大
性因違俗轉踈慵
邊城日暗驚鞞鼓
仙島雲深隔夜烽
直道于今在臺府
憑君傳語問元龍

和鳴治韻兼呈一中

吟詩酌酒是平生
得失惜底用明世路
到頭行散穩人心
獨面故難平一年
灯火又元夕
万里風烟非故情
最是深宮愛閒暇
邊城何日奏功成

鰲海笙歌春浩蕩
小臣隨例賜清閑
不嫌寂寞官無酒
猶喜相親巷有頽客
久可耽詣世味才殊
何以濟時艱黑頭隨分且
爲樂高路風雲未易攀

故鄉遊宦近應稀
念爾同心信可依
要識至公來後定休
教清業與初違種葵自許
傾朝露杵機還堪補袞衣
獨是公孫東閣外
春生庭草竟多非

次韻一中鳴治聯句

流水桃花亦世情青雲白眼謾相驚到來
人面如心別怪底風波平地生放意休逢
杯酒笑出門還認路頭行客寒何處語音
好兩三飛來故國鳶

雪情思一中鳴治來過

青天閉戶自成迷赤驃惜泥誰肯來細數
雪花心不競冷覘世故口慵開移家喜共
客千里會面當今日幾回笑我清茶不成

醉題詩謾尔過橋催

送趙維恒赴桂南陽同知

九重霄旰急需材可待龍門变除日
一朝當殿下屏星十里擁春雷先生腰帶
銀花重寵沐朝衣繡色開共喜青雲有階
級不湊高築望京臺

板畱園題贈秦方伯克恭

昨夜西風吹易水使君心折北堂萱三年
留得江南愛石口同攀道上轍自信金吾

人可借誰憐烏鳥淚難吞題詩更為於陵
道慢失秦公旧日恩

送陳士賢繡衣

自憐同志不同官獨立鷗頭看擊彈天地
恩深容物易豺狼路險著身難陽城道為
師儒重汲點心湏社稷安滿目離愁何震
寫手鋤明月種庭蘭

送徐元一職方歸省

夢轉庭闈白髮生翻綵袖領春行老菜
堂下新歌舞小范胥中旧甲兵自惜百年
催日月肯將三釜換公卿遺知錦里承
恩愛竹筍叢刺眼青

送繆思故南歸

碧堯紅杏競春光誰識冰山不可常今日
獨行芳草地十年猶憶寄書郎浮雲過眼
青霄遠短劍橫秋白髮長還向身前看事
業莫將清話送叙陽

壽謝老編脩史封命

百士師：庚續熙九重。雨露有餘滋。
濟世澤多應在浩蕩。天恩豈獨私異數。
難逢偕老日寵沾。況及黑頭時。遙知錦里
歡騰處。再拜還歌天保詩。

挽劉郎中母

粉萼花落夜烏啼。天際孤雲起暮思。
剪髮恩深重死日。愛萱腸斬更封時。
春山芳草埋金璧。秋月寒潭見一枝。
底用虛名高綽。兩廂猶誦柏舟詩。

送林汝和之官南京

相逢猶嘆識君遲。南北如何更別離。
到手功名还自棄。在天出處有誰知。
江山客路千年事。風月船窓幾首詩。
淮水西頭親舍近。往來應可慰相思。

挽白司馬父

袞：狂瀾日復東。橫秋絕岸見孤峯。
潘輿鄙躅干戈裏。謝草淒涼風雨中。
逸行已歸高士傳。穿碑猶勒大夫封。
九泉回首看瑤

坪霄漢同瞻八柱功

送劉時雍主事便道歸省

萱花椿樹動離思一日猶嫌万里連雲漢
星槎帰盡鷁洞庭秋水起寒漪黑頭司馬
優游日青塞驚塵寂滅時試問三閨獨醒
震狂歌誰復來芳蘿

寄謝愚得員外

棣光樓外竹成林珍重因書遠寄音万里
棲霞眠地雨三年建業別時心風雲馬首
猶南北萍水人情易古今官滿相逢定何
日一樽聊復短長吟

定軒存稿卷之四

定軒存稿卷之五

七言律詩

送沈澄之令盧氏

臺灣國家圖書館

NATIONAL CENTRAL LIBRARY, TAIWAN. R.O.C.

君來戴豸秣陵上君去飛鳬洛水頭直道
峰巒唯自貴人情翻覆復誰尤河陽父老
有今日栢府風霜非故秋慷慨部門一樽
酒弱蘭芳社水悠々

春日郊行

偶因公事作春遊緩馬長途去復畱林外

定軒存稿卷之四

定軒存稿卷之五

七言律詩

送沈澄之令盧氏

臺灣國家圖書館

NATIONAL CENTRAL LIBRARY, TAIWAN. R.O.C.

君來戴豸秣陵上君去飛鳬洛水頭直道
峰巒唯自貴人情翻覆復誰尤河陽父老
有今日栢府風霜非故秋慷慨部門一樽
酒弱蘭芳社水悠々

春日郊行

偶因公事作春遊緩馬長途去復畱林外

小桃紅不亂草邊宿
麦綠初稠岸容雨過
迎新寵山燒雲深納故
羞茅屋人家烟火少
白榆無數向人愁

送趙太守之任楚惟分韻字韻
皂蓋朱輪自此升使君何以慰黎蒸江山
別路行將遠舉鶴清風故有承腰下銷殘
懸牘劬街頭添得讀書灯一官郎署知無
似送客羞談作郡能

和謝內翰秋雨述懷

清心寡疾翻多疾看到黃花始健秋落葉
滿庭無意掃敗墻經雨倩人修驅承欲盡
平生事蹇劣還為知己羞獨倚西風驚日
莫褰裳更上一重樓

用謝鳴治翰林韻寄復宝慶太守

二首

心懷往事歌何言一版變二汗幾翻結舌
從人終竊位抱冰歸已豈繼恩長河舟楫
南还北故國松筠子又孫莫為尋煙動秋

興邊氓無賴苦崩奔

翻看竹下和來詩不似金陵听雨時血淚
已隨青草盡榮名懶與白頭期英賢大世
元閔命科第於人故有私吾道悠々水東
去出門誰為指多岐

送陳思召編脩歸省

送君空憶眷賢書誰為同心挽大車鄉國
雲長非別路澤蘭秋老重愁予蓋坡院閣
今何地藥籠參苓故有儲馬首樽壺隨處
滿一行鴻鴈日邊踈

林一中家會謝鳴治欣歸次一中

昨日韻以呈二友

細憶程家弟與兄九膚仰首想遊征蔓枯
自信由心病根固何愁與晉成青歲灯空
元是夢白頭世事莫多情王峯下消
水流盡澄江未斲空

挽高憲使父序班

青天無雨洗妖氛芳草秋生細柳昔方戍

勤王竟何事一身徇國獨憐君歸祀不記
生時路斷冊空書死後熟此日衣冠宋全
盛百年兵戰幾人閑

送親翁鮑簡菴太守之任夷陵

珍重才名百士先錢塘傾蓋即忘年試未
萍梗^猶應爾看到松蘿豈偶然鴈宕雲深
晝白髮夷陵雨過見青天山闊圖畫多詩
興吟轉懷人定幾聯

送姻弟蔡元灵驛亟還家

東曹張翰久思歸此日秋風送馬蹄委羽
琪花行處見桃山雲樹夢中迷班斕人近
慈顏喜花萼樓高鴈影奔慚愧天邊倦遊
客還將短髮听晨鶴

和謝寶慶太守會總菴韻

首義誅茅結墓庵時看野鶴散晴嵐翰林
有道專公綽吏部無才荐召南享及歲時
群姓集禮生俎豆聖恩覃多情自堯詩
難和展轉重披別後緘

挽同年李永通季士

同年自嘆正衰遲誰謂先生命若斯十載
始遷非爾病一言不妄是吾師涪溪日落
家何地季士名高墓有碑攷渙試看天定
後秋香滿路桂生枝

題松鶴圖壽戴允通太學乃父七

十乃孫戴豪兵部主事

老幹森森不受封南塘長日起清風綠寫
相逐鳴高世白鶴飛來共比翁万里雲霄
耆輩拔千年臺陛藉幃帳多情还種蟠桃
樹歲歲開花照眼紅

題謝侍郎一夔父汀州忠愛祠

臺灣國家圖書館 NATIONAL CENTRAL LIBRARY, TAIWAN, R.O.C.
雲敞高祠綠樹平白頭忠愛儼冠纓力回
曹翰千人命誅奪楊公五寨兵飲血誓師
期滅賊反旗載柩已還營臨汀故老無窮
恨淚落荒原勁草生

感懷

門前昨夜溪步急無數渙舟蕩葉回紅蓼

兩岸近人好青山溝邊倒影來誰家老翁
惜往日獨釣晚風歌擣梅愁對清樽深百
尺冥鴻天際白雲閑

送謝典史之任新昌

高堂白髮嘆衰遲到手功名不厭卑行色
遠分楊子渡官情好及菊花時一樽莫話
生平事百里还番去後思最是竹林多秀
彥兩京清薈有人知

簡陳士賢繡衣因其上封事未及會

臺灣國家圖書館 NATIONAL CENTRAL LIBRARY, TAIWAN, R.O.C.
而聞其病作茲喜病愈以此箇之

元龍樓上別經旬幾度相思欲扣門最喜
閑誠論世事多慚誠嘿誤朝恩皂囊病
閣連朝雨紫陌愁牽午夜魂我亦有懷何
寫醉騎黃鸝問鳬巖

送林克冲黃門使暹羅

手持黃紙泛滄溟帆掛東風幾月程大水
浮天詩律壯頭龍呼雨夢祝驚蕃王拜道
承封命逋客夷香欵使旌万里諮詢期

獻納歸來漫擅一官清

荅謝內翰鳴治寄來韻

詩來京國交情在夢到方山別路分溝地
竹陰晵几席十年心事笑龍雲道存經濟
非高蹈書續濂閩著後勲老竭餘忠誓延
佇不緣羣鴈變成群

送林大用憲副赴任雲南

心懷忠憤委繙銖頤下批鱗氣浩如

天子因君知諫議都人視佛是空虛

兩朝

公論今應定四品崇階此特除莫謂溟南

親舍遠道行蠻貊亦康居

寄贈王存敬出守興化

誰言興化難為守豪勢歸心亦在人事到
可行毋任意法於當盡要知民澹臺世遠
門多客徐釋風高揭未塵前政斟量得中
道朱輪何地不生春

荅和方石白龜韻

昨夜風霜到頰髡起看庭樹轉多疑絳綸

在我只如此杯酒逢時且賦詩宣父行藏
人漫卜周公作轂夢先知万間未足為身
庇一笑狂言自竟癡

望海亭和方石三亭聯句韻三首

万里滄溟可一亭乾坤眼底竟通靈雲開
雲合心無礙潮去潮來思不停白鳥孤帆
天外沒紅塵幻夢此中醒知君今日難為
水獨占方岩最上青

仰高亭

奠海東南第一山諸峯羅列子孫環天教
絕壁生來怪人仰高風不敢攀五夜斗標
看倚闌千年宝氣鎮長閨主人具眼元來
大赤脚曾登泰岱岳还

來藻亭

脩拾溪毛纍凜芳濕衣長見雨淋浪騎烹
南國誠何在痴眷文王孝不忘結搆自君
遺世範殷勤從我借詩將春來秋去情何
極百歲淒其此露霜

和方石齋居有懷韻

五日齋心到夜眠清虛誰識此中禪百工
紛擾愁邊月万姓喫喝夢裏天歲臘將殘
稀見白鷗宗有事為祈年多情最是吾方
石句落西風壁水圓

俟方石不至書此以問

未午休衙待故人整冠獨生日將申祇愁
雨雪妨行駕誰謂軒車滯近隣濁酒一壺
歲有耄羈心半月渴生塵從今歲盡多林

假乘興相遇莫厭頻

和方石齋居韻

誓戒虔、万里同誰傳天語下彤宮
衣分夜嚴齋禁籞史將詩隔曉通白面來
時多食肉赤心憂事少如公無情最是偷
春蝶不啻陰精舞晚風

方石示謁

孝陵詩謹和韻同致其感

遠紀宏綱一布除万方車轍盡同車每於

化日光天裏仰見 霄衣奠 國初 陵
庶儼存南面象山河環拱北辰居感 恩
欲報慚無地稽首堦庭幾涕歎

送林蒙菴致仕

先生故志在伊周未老連章遞乞休荐用
後時賢士去攀援無計典銓羞狂瀾倒海
橫高岸清節隨風振白頭明世行藏非偶
爾紫陽心率有源流

次方石致仕韻

辛亥六月十四日作乃絕筆

竹林標格似應唯占此功名地步寬抗志
豈為天下獨乞恩將遂此心安早從卸
孟齊行止老與商瞿共戚惟淨掃總山肯
相待三亭風月許同看

復方石招登鷄鳴山韻

先生元不畏山難

道情心獨頌百年身事命能安詩箇絡繹
無人和尊酒逍遙共我歡山下紅塵方擾
擾一般高致許誰看

定軒存稿卷之五

臺灣國家圖書館, NATIONAL CENTRAL LIBRARY, TAIWAN, R.O.C.

定軒存稿卷之六

在唐縣作

新嫁詞

東隣有小婦，淑姿多窈窕。十歲學女工，二
十盡精巧。父母共鍾情，蛾眉欣自掃。伯鸞
望不來，終日思芳草。三十得所歸，蘭房杳
縹渺。上堂拜姑嫜，恭婦道辭辭。常及
昏闇鏡，不待曉未諳。諸母性客易生議，謂
檢束難自暇。何以舒懷抱，灯前語小姑。休
嫌嫁不早，嫁雖可惟不嫁亦自好。我身

臺灣國家圖書館, NATIONAL CENTRAL LIBRARY, TAIWAN, R.O.C.

已屬人憂心空悄々願言夫一心惟愛以

終老愧茲補襪才白璧長皎皎

沈文瑞書至讀而書此

嘿坐念歸途忽此北鴈鳴遺我以書札上有故人名開封無百字

氣稍和再讀心愈平三讀攬衣舞忽竟月已生舉頭語明月流光照神京中人似鑑試比光誰明

田婦行

朝餧耕暮織布衽臺鉛粉不暇施青春暗在忙中度：盡流年耕織多姑無飽食兜無榜短鎌始歇機未停門前縣吏催租稅東家女郎席夫業珠簾綉幕籠香霧命服多裁雲錦章青燈長憶夫在路自分貧難不足辭白頭不識悲別離

過盧溝橋

秋水長橋此再行望雲不是昔年情昔年親在傷離別今日雲從宮殿生

謁樓桑廟

桑樹亭上似翠華蛟龍得雨不还家姦雄
未滅身先死昇勢方成事可嗟千古蜀山
番王氣當年隣父望雲車曾勞諸葛紂等
策渭水無情送落花

過涿州感舊

正統甲子嘗與同鄉張守聖

賀邦元呂紀夫於此遊今張賀已作故人矣

心懷舊路駐車輪二十年中跡已陳問舍
可非前度主同遊空憶九原人霜況畫粉
譙樓古日掛城竿雉堞新惟有泮宮南畔
柳風前對舞似相親

金臺驛懷古

羅綱初張氣已豪圖齊空羨霸心芳梧桐
秋老金無色鳴鳥朝飛臺自高東去水多
悲歎客西來馬首見蓬蒿九泉郭隗逢昌
國應說當時有蒼鵡

唐縣問先封

五代遺光日月開高歌擊壤認封塚山川

猶在祠存古奠英不生秋可哀蟋蟀誰能
思歲暮首陽空說采苓來有懷遠道書難
寄獨立西風

倒馬闕

曉啓重闕日始明亂峯峯崕送秋晴天低
飛鳥愁難度道隘征車不可行虎豹雲屯
無方申東南屏障恃孤城懷人隔在芙蓉
浦心事春風芳草生

懷謝鳴治進士

花暗春城鍾漏遲獨騎朝馬重相思誰知
今日惟逢處又有他鄉憶別時試看紅雲
飛鳳閣正吟涼月照花枝人心不是浮萍
草可信塵蹤無定期

有懷諸同志謾書以寄陳儒珍

昨夜春光入鳳池紛々仙子鬪花枝共
言穠艷驚目獨抱寒香欲遺誰江客謾
勞徒自賦路人應笑未逢時于今也要栽
桃杏猶恐西風不耐吹

張存茂

琪花春老洞門前
來往難逢古少連
江北暮雲何處合
城南秋月此中圓
眼看丹桂無千尺
身隔銀河已十年
遙憶西齋灯火夜
歎歌天保到終篇

謝世懋

春草春花滿路歧
樽前肝膽待君披
為嫌今日遲相見
翻惜秋江易別離
問訊屢憑知面客
多情唯和隔年詩
幾回獨坐看明月
桂影參差總可疑

林一中

官柳多情綰別離
送君不見益悽其
擔頭秋卷無人識
江上春花入夢思
為客漸知游宦苦
還家休惜受恩遲
數來眼底登龍者
曾見當年失意時

趙貴積

清風石上五絃琴對之不彈秋意深皎皎
佳人在空谷洋洋流水到于今雲來苑樹

驚啼鳥月轉天河照此心遙憶君象歸大道可曾授梓問曾參

懷外父慕陶桑居士

車馬勞々未得歸相思忍堯產情微春山兩後從來往秋水一竿無是非珍重遠書多問訊獨憐公論尚堪依夢中猶記題行卷摠羨先生耐息穢

定軒存稿卷之六

定軒存稿卷之七

在江西湖北作

訪徐子亭

湖亭遠以古湖水清且連臨軒脩空鑑高風激千年東漢黨禍起虛焰歎史天南州舊茅屋旁草猶芊々愧我有高閣可以寬時賢斯人招不起白日空自懸再拜出門去羨彼冥鴻翥

望廬阜

昔歌廬山謫翠岸生寒几乘風欹攬結恍

驚啼鳥月轉天河照此心遙憶君象歸大道可曾授梓問曾參

懷外父慕陶桑居士

車馬勞々未得歸相思忍堯產情微春山兩後從來往秋水一竿無是非珍重遠書多問訊獨憐公論尚堪依夢中猶記題行卷摠羨先生耐息穢

定軒存稿卷之六

定軒存稿卷之七

在江西湖北作

訪徐子亭

湖亭遠以古湖水清且連臨軒脩空鑑高風激千年東漢黨禍起虛焰歎史天南州舊茅屋旁草猶芊々愧我有高閣可以寬時賢斯人招不起白日空自懸再拜出門去羨彼冥鴻翥

望廬阜

昔歌廬山謠翠岸生寒几乘風欲攬結恍

惄不可提今年使吳楚揚旌建昌皇送目
入空洞廬阜東南峙奇峯千百狀秀削連
天起石鏡照金輪五老參差似香爐不知
處隱々白雲裏試欲枉吾駕攀緣躋其趾
拄杖蓮花峯洗心瀑布水手招謫仙人共
賞泉石美王事有程期悵望徒為爾

獨坐懷故人

雲長客途遠日永仙院閑思君數晨夕征
車不可還烟飛楚阜近涉水采芳蘭歲之
墮苟中持寄青雲端清香各自安永結平
生歡

望鸚鵡洲

鳥以言受籠磬為步不完多才惜爾衡作
賦昧自覘淒涼荒洲裏千載不生蘭蕙風
吹落日雪浪高如山

望漢陽城

曉日熙孤城庭閑官始衙炊烟傍山起寥
落無万家城邊綠樹林隱約搖春花迴頭

望漢口舟檣如束麻波流映天白渺々無

窮涯孫郎亦何計鐵鎖沉泥沙

雨霽

宿雨晚初霽淡雲猶未收卿山日影籌轉
作頹霞浮念同心人步出玉池頭風輕
水不瀾涼思清颸々天邊白鳥孤城下綠
樹稠適意即為樂冲々復何憂

定軒存卷之七

定軒存稿卷之八

在鄆州作

雜言二首

執帚君門鳴鴈適初至冕袍結同心願
為千歲事昨日漢江頭送君京國去千金
辨君裝百金市君義忽々成遠離蟋蟀生
寒思征車久在途酒酒恣嬉戲朝踏葉陌
塵夜挾青樓妓嘿坐憶故情歌言猶疑貳
側耳北風前道路多無異掩袂念終身悽
斬將誰恃願因長江水寄此深閨湧江水

望漢口舟檣如束麻波流映天白渺々無

窮涯孫郎亦何計鐵鎖沉泥沙

雨霽

宿雨晚初霽淡雲猶未收卿山日影籌轉
作頹霞浮念同心人步出玉池頭風輕
水不瀾涼思清颸々天邊白鳥孤城下綠
樹稠適意即為樂冲々復何憂

定軒存卷之七

定軒存稿卷之八

在鄆州作

雜言二首

執帚君門鳴鴈適初至冕袍結同心願
為千歲事昨日漢江頭送君京國去千金
辨君裝百金市君義忽々成遠離蟋蟀生
寒思征車久在途酒酒恣嬉戲朝踏葉陌
塵夜挾青樓妓嘿坐憶故情歌言猶疑貳
側耳北風前道路多無異掩袂念終身悽
斬將誰恃願因長江水寄此深閨湧江水

自東流不辭相思意安得知心人御君回

送唐

春色晝簾靜無心鬪花枝自將五色未染就補袞絲含笑語小妹不作庸人妻誰憐薄命妾失嫁唇沾兒衣輕匪不煖食其匪不肥所念在賢哲溫胞非所思戚戚坐中圍雜佩空自持昨聞青鸞傳歸妹方及時難之双鳴鴈閑閑高世姿骨肉本連理所賦良獨私

自懲

山川貴含始寶威森以殖至人偹万善亦以包荒積福性強自持觸物生矛賊心平嘿以省克治慚未力執筆書百忍拳拳服諸臆恍聞老翁語尔病根未得是非榮辱間達覘無留迹深造有庭戶室愁斯有益至訓在方簡敬尔念朝夕

題雪卷書蘇內翰韻

玄暉上人山澤儒脫身逃入逍遙境多種

芭蕉繞庭砌閉門自吟唐晉書有時倦卧
苦提側夢挾玉簫遊赤壁雪堂虛寂夜無人
孤鶴一歩江月白曉起呼童開墨池乘興便寫坡翁詩金蓮炬下舊精神眼中彷彿如見之小童未解老師意傍覩噴々謗好字卷藏十載不敢開只恐鳳翥龍翔去若人好古閑書棧傾橐不惜千金收幾度臨風試披閱詩多筆陣寒颼々

枕上謾吟

孤館寒燈盡憐家笑語溫別離空自惜慷慨共誰論夢短催更轉愁長逐夜分室家聊尔々魏闕有孤雲

題劉亞參墨竹贈存菴

直節凌霄鳳不來湘江照影自徘徊夜深只恐隨龍去驚起天門第一雷

和謝內翰韻

天上幾回騰紫鳳人間何自贱黃金遺薄一管春秋筆難盡平生感慨心秋到吳鄉

猶遠客雲飛 上國費孤吟書來莫問勤
勞事杞鶩應多白首今

和存菴韻謝李侍御惠桃并鷄
夢入桃都綠樹陰天鷄喔報晨音曉來
喜見千寶皆下还添五德禽忝雪可堪
珍異品膳烹未許伴孤斟番教五夜步傳
弄喚起孤臣恋關心

謁諸葛武侯廟二首

停膝細讀臥龍碑岡上風雲結陣飛恍似
祁山師再出還疑斜谷戰初歸降車北走
嗟何及鳴鼓西邊事已非成敗到頭應莫
論丹衷耿耿照春暉

眼中何處漢江山興復神機一嘯間龍逐
火精噦末焰虎臨天陣畏勍姦生悲帝業
偏安蜀死乞王師遠入閨不是將星沉渭
水木牛應載露盤遠

九日登紫金山

乘風試上紫金堆天外寒山霧半開鴉閃

日光連野去鴈拖雲影度江來漫歌紅葉
悲秋糞笑把黃花送酒杯待得春光生眼
底還從華頂望天台

高橋書屋 章方伯十詠內二首

門敲高橋竹樹陰鄒公舊是讀書林五車
簡掇秦灰冷万丈光連孔壁深雪案披香
尋古篆曉窓滴露見天心箇中自有傳家
寶肯羨東隣蒲筍金

前臯先堂

前山疊々走蒼龍當日牛眠第幾峯青草
暗埋三世玉白雲愁結萬年松豈碑字蝕
苔古石馬恩沾雨露濃華表鶴歸遼海
日紫泥重見大夫封

定軒存稿卷之八

定軒存稿卷之八

定軒存稿卷之九

在池州作

憶子甫

万里遙憐汝獨行誰與居殷勤將爾母迢
遞問吾廬祇以宦情累轉於生計踈青灯
如有意還檢篋中書

憶謝鳴治

從君南國去此口半荆榛每自尋逋老分
筵作主賓江山人面別歲月客情新遲我
歸來日梅花幾樹春

定軒存稿卷之八

定軒存稿卷之八

定軒存稿卷之九

在池州作

憶子甫

万里遙憐汝獨行誰與居殷勤將爾母迢
遠問吾廬祇以宦情累轉於生計踈青灯
如有意還檢篋中書

憶謝鳴治

從君南國去此口半荆榛每自尋逋老分
筵作主賓江山人面別歲月客情新遲我
歸來日梅花幾樹春

獨坐有懷

小堂地僻自成村，白石蒼苔閣雨痕不見。
高車來客獨垂殘菊照，清樽雲拖鴈影。
連天遠風挾江步入夜，喧王事悠悠憶前
路。十年歸思共誰論。

泊大通驛

淺渚無風穩繫船，日沉江樹已橫烟。
樓頭暗鼓催更轉，沙際寒灯照客眠。
一枕秋波，雲渺渺；十年心事露蒼蒼。
獨吟驚鶩竟西汀，鴈夜半相呼過別川。

荻港沮風

雲添秋江風怒號，磯頭拍一浪声高。
相聞舟客皆吳語，獨坐船窓誦屈驛老樹藏。
春含凍蘆寒禽妬，雪舞輕毛行遠自信有遲
速。想起呼童問濁醪。

日暮復雪

吟倚孤舟日暮時，雪花撩亂撲旌旗。
秋生別路客先鳴，艱盡重門人未知。
遣興祇應。

詩百首辟寒何用酒千卮
灯前忽听江南笛
万樹梅花一夜吹

憶謝十五世懋

天姥書來三月時桃源春色正相宜
曾中礪魂仍千里局外輸羸豈一春夜憶大山
還夢草朝呼小阮且論詩溪頭剝有閒風
景好報新歸水部知

次日舟行阻風回泊舊浦二首

遙浪掀風重作堆輕舟怯速且湏回行過
僧院惟逢竹尋遍江村未有梅熟大眠雲
驚客大閒翁逐日引兒來金陵應是还家
路謾把離情付酒杯

暮烟秋樹大江濱吟對孤灯笑此身獨生
又為今日客相看誰是故鄉人青雲逐々
應付事白髮駁々設上中可是一官拋不得
瘦妻弱子未勝賓

憶林秋官一中

西湖風度謝池春万里招邀重卜鄰
處處憂

國有心長共我趨時無術懶隨人別離
自信回家遠相憶還知入夢頻此日門前舊
行路朝來踏盡馬蹄塵

會同館觀沈氏故物

眼中無地著纖埃畧責誰知是禍媒落葉
滿江隨水去東風何日送春回綠珠樓上
舊歌舞朱雀橋邊新草菜寄語五陵豪俠
子白頭休使後人哀

聞事有感

重光耿耿達潛幽散盡青天碧海愁東道
主人誠好德西堂醉客尚含羞連枝綠
蘆前月首兩声連屋外鳩和氣已隨麟鳳
至隔牆誰嘆玉閨秋

寒夜獨坐

懷因思家復兩岐挑燈細檢古人詩會教
恩憂心無累始信寒酸事可為北塞天長
雲度影南河隴近水流澌夢中繞得还鄉
路又逐鷄聲入鳳池

定軒存稿卷之九

定軒存稿卷之十

奏稿

擬上

慈懿皇太后山陵事

臣聞孝者天地之經義禮者古今之準衡
人子欲致孝於親而不以禮非所以爲孝
也故孔子曰生事之以禮死葬之以禮祭
之以禮伏惟

陛下受天成命續嗣丕圖以四海之尊

定軒存稿卷之九

定軒存稿卷之十

奏稿

擬上

慈懿皇太后山陵事

臣聞孝者天地之經義禮者古今之準衡
人子欲致孝於親而不以禮非所以爲孝
也故孔子曰生事之以禮死葬之以禮祭
之以禮伏惟

陛下受天成命續嗣丕圖以四海之尊

養極

兩宮之惟娛臣已知

陛下等漢唐宋而上之與虞舜周武同一
大孝達孝之心也茲者

慈懿皇太后崩逝聞有

勅旨欵別卜葬地既因內閣大臣陳言
命多官會議復聞

勅旨諭以

聖母皇太后之意堅不可違臣又知

陛下孝固不可衰於

慈懿皇太后特欵順

皇太后之心以為孝也夫

慈懿皇太后乃

陛下之嫡母雖不親育

聖躬而撫慈保愛之恩實同於所生故
先帝在御寵眷特隆蓋以正配人道之大
端正嫡天禮之大序也

陛下為

先帝之子受

先帝之托正宜体

先帝之心生而事之於一宮死而葬之於
一廟祭之於一廟斯於禮為當於孝為至
矣豈可以不思達

皇太后之心而廢天下之大禮拂天下之
公心哉

陛下誠欲致隆於所生則宜準宋仁宗葬
李宸妃故事於

皇太后千秋万歲後陪葬 裕陵此又聖
人所以權乎禮者固不可違禮以為孝而
為是親疎隆殺也如

陛下以重達

皇太后之命為不孝而恩達

先帝之心獨可以為孝乎臣伏願

陛下親謁

聖母之前號泣極諫懼惻聞陳必敬上順
天道下順人心遠法帝王已往之迹近咎

先帝在天之灵即日奉

慈懿皇太后梓宮同葬

裕陵奉

神主祔祭

失臣則非惟臣等之福實天下之福
宗社万々年之福也如果再三諫而不從
則

陛下當斷以大義獨奉而行之如告而娶
孝也弃不告而娶亦孝也且今日之事綱
常所在天下人心係焉國家命脉關係
陛下誠能斷然行之則不惟有以彰
陛下之孝而

聖母之德益昭於無窮矣不然則衆論難
可抑公心不可拂天理不可違而

陛下享祀宗廟之日亦何以對越
先帝武令不決議後雖有悔心無可及矣
臣受

命即署職非言官但以天地大父母視
之則皆臣子也臣子聞父母有大事則遠

近大小皆得號泣而言之豈敢隱忍偷生
以為非其戮而不言哉於事之未然而不
預言使天下後世竊議於已往則臣雖死
無禱矣謹殊死 上言伏乞

聖听不勝恐惧之至

奏乞移封父母成化二十一年十月
通政使司右通政臣黃孔昭謹
奏為乞

恩移封事臣原籍浙江台州府太平縣人
由進士除工部主事歷陞吏部郎中成化
十八年十月十九日

欽陞前職成化二十一年九月十九日三
年考滿給由

欽蒙復職例應請給

詔命錄臣先任吏部員外郎已蒙

賜給從五品

誥命將臣父母并妻封贈訖今臣任右通
政係正四品止該給與本身

詰命臣切念臣父黃彥俊臣母金氏生臣
劬勞止授從五品封贈臣為人子獨授正
四品

浩仰心實不安臣查得南京太常寺少卿
鄭環應天府丞張達俱以三年考滿將本
身

詰命具本陳情移封父母俱蒙

聖恩允臣今三年考滿伏望

皇上憫臣微情乞

勅吏部將臣應得正品本身

詰命照依鄭環等事例封贈父母臣不勝
感戴之至為此具本親齋具奏

聞

奏乞休致成化二十二年十一月

南京工部右侍郎臣黃孔昭謹

奏為乞

恩休致事臣見年六十歲浙江台州府太
平縣人由進士除工部屯田清吏司主事

陞本部都水清吏司員外郎為急缺官員
事調吏部文選清吏司歷陞郎中通政使
司右通政成化二十三年正月內陞今職
以仁管事臣歷官二十五年自知才識迂
踈分理無効久設辭乞以讓賢缺惟大馬
徵愧恧：未已故冒祿今茲臣年及六
十筋力漸衰雖衷思報於万一柰朽鈍唯
任以馳驅強顏尸素愧覩殊深伏望
聖恩憐憫將臣照例放歸田里以終殘年
臣不勝感激切之至為此具本專差辨
事官何子芳齋捧謹具奏

聞伏候

勅旨

荐知府樊莹弘治二年十一月

南京工部右侍郎臣黃孔昭謹

奏為脩省事准南京吏部咨准吏部咨節
該少傳兼太子太師吏部尚書謹身殿大
李士劉吉等題准壹件舉賢才今後在外

除方面佐貳知府有缺吏部照見行例推用其左右布政使按察使宜令兩京六部都察院通政司大理寺三品以上大臣各於方面佐貳知府及兩京各衙門相應官員內不拘資格各舉所知一人務要才行超卓李誠老成操持清謹人物端重者明開某官堪任布政使某官堪任按察使具名奏

聞下於吏部候有員缺吏部酌量請旨簡用等因備咨到部臣舉得守制已滿直隸松江府知府樊瑩浙江衢州府常山縣人由進士除行人司行人陞山東道監察御史九年轉陞前職本官委係持身廉潔用法明慎李誠俱優堪任按察司按察使如蒙准奏乞

勅吏部再加詢訪擢用便益為此具本專差辦事官劉守昌齋捧謹具奏

聞

奏乞考滿弘治三年

南京工部右侍郎臣黃孔昭謹

奏為給由事臣年六十二歲浙江台州府太平縣十七都民籍由進士天順七年四月二十六日

欽除工部屯田清吏司主事歷俸一考三十四箇月零二十二日成化五年二月二十日

欽陞本部都水清吏司署員外郎事主事本年三月二十六日通前歷俸兩考本年五月初八日

欽蒙照例實授本司員外郎本年十二月初六日為急缺官員事

欽調吏部文選清吏司員外郎通前歷俸一考一十六箇月零一日成化九年八月二十六日

欽陞本司郎中成化十八年六月初七日

通前歷俸并罰俸一百八箇月九年考滿
給由本年十月十九日

欽陞通政司右通政提督膳黃歷俸一考
三十六箇月零八日成化二十三年正月

二十七日

欽陞南京工部右侍郎本年四月初十日
到任扣至弘治三年三月初十日連閏歷
俸三十六箇月三年考滿例應給由繢先
該守備南京司禮太監陳祖生等奏內府
甲字等庫倒塌損壞要行修理勘該工部
奏奉

欽依著太監鄭彊南寧伯毛文右侍郎黃
孔昭提督脩理欽此臣除欽遵會同太監
鄭彊等於弘治二年二月十九日提督興
工脩理外緣各庫倒塌損壞數多脩理未
及四分之一三月春氣和暖正係興工之
時臣欽依例赴京給由緣有先奉

欽依提督脩理內府甲字等庫事理未敢

禮便離職為此具本專差辦事官

齋

捧謹具奏

聞伏候勅

旨

荐僉事章懋弘治四年四月

南京工部右侍郎臣黃孔昭謹

奏為舉賢材事准南京吏部咨准吏部咨
該本部題先該少傳兼太子太師吏部尚
書謹身殿大學士劉吉等題

准左右布政使按察使令兩京六部都察
院通政司大理寺三品以上大臣於相應
官員內不拘資格各舉所知一人具本奏
請

旨簡用行該兩京各衙門推舉到部俱已
陸續酌量請

旨簡用將盡亦有才行超卓李誠老成未
曾奉及者遇缺本部欵行推舉與同各官
所奉未用官員酌量相參請

旨簡用等因具題奉

聖旨奉能姑是大臣為國第一件事既
所奉官員簡用將盡逕行與各官著照依
原奏不拘資格務奉才行起草奉識老成
的來用其資格相應如添政保陞布政副
使保陞按察使都不許這兩樣官只恁部
裏遇缺從公推奉典各官保約相薰薦未
看欽此欽遵備咨到部臣推奉得福建按
察司僉事章懋浙江金華府蘭谿縣人由
成化二年進士除翰林院編脩歷南京大
理寺左寺副陞授前職先因偶感微疾告
回原籍調治今年始及五十所患久已痊
安切照本官行已端方風節素著奉有本
源才周世用歷官中外衆所共知委係堪
任按察司按察使臣雖知本官養病日久安於
靜退無有再起之望但念
聖明之世有材如此棄而不用誠為可惜
如蒙准奏乞

勅吏部訪察得實特起任用便益為此具
本差辦事官胡裴斐齋捧錘具奏
聞

定軒存稿卷之十

定軒存稿卷之十一

樵文

交遊別錄序

臺灣國家圖書館, NATIONAL CENTRAL LIBRARY, TAIWAN, R.O.C.

景泰中予在邑庠所與交者陳君儒珍張
君存茂王君希文應君志順高君庭美謝
君世懋世懋之從子鳴治林君克惠克惠
之從弟一中凡十人皆於予為益友既而
予與一中頃景泰丙子鄉荐鳴治授天順
乙卯鄉解庚辰予第進士官工部甲申鳴

勅吏部訪察得實特起任用便益為此具
本差辦事官胡裴斐齋捧錘具奏
聞

定軒存稿卷之十

定軒存稿卷之十一

樵文

交遊別錄序

臺灣國家圖書館, NATIONAL CENTRAL LIBRARY, TAIWAN, R.O.C.

景泰中予在邑庠所與交者陳君儒珍張
君存茂王君希文應君志順高君庭美謝
君世懋世懋之從子鳴治林君克惠克惠
之從弟一中凡十人皆於予為益友既而
予與一中頃景泰丙子鄉荐鳴治授天順
乙卯鄉解庚辰予第進士官工部甲申鳴

治第進士官翰林丙戌一中亦第進士官刑部則成化三年也於是予三人者幸相與同

朝蹕跡日益密誼分日益深居同志行同道門牆同里巷公退無事則或引壺觴唱酬以自舒如是者無間旬日時或以事相達遠則惟離群索居之惧凡所請益折勸勉所規戒率皆於往來詩牘焉發之如是者先後餘十年如一日雖家人婦子亦皆知通有無急患難曾未嘗以彼此尔汝而纖芥也予雖涼薄而歷工部以至今日前後無顏過亦惟多二君之助故吾鄉稱一時布衣交遊之盛必歸予數人者自前輩稱宦途契好之真亦必歸予數人者今年春一中以推選得僉憲福建予固喜吾道立有為而得專其施於一方也而不能不眷焉者夫豈私情哉昔人謂江湖之憂一中以之而其在朝廷者吾二人蓋未嘗

無焉雖然予所與交游十人者世懋已即
世儒珍存茂克憲尚淳庠序希文志順以
上舍生鄉進士相與家居而庭美方入南
雍曾未數十年而皆散落不常居是而一
中復奪於

王命以去予何能無介然於懷耶曰興嗚
治取嘗往來詩於一中者凡若干首序錄
之以遺一中用識久要之誼噫後數十年
試取而讀之吾十人又安知散者之不復
聚者之不復散惟親不比昧不忘窮不
屈達不驕庶不忝于前聞人而子孫亦得
以世譜之不怍不然亦奚貴於斯錄哉

宗譜倫錄小序

予既重脩宗譜而譜有未載者又為備錄
一帙蓋備後之續脩者也錄分為十二房
每房以十六世分系於十五世而備書其
生娶子嗣其未娶無子及出仕履歷卒葬
則空白以俟十七世十八世不復分系男

女但註其所自出隨其生長先後之序列書之是亦統宗會元之意也允吾同族男女既生之三日當即以其生辰告于宗子及族長叔譜者書于備錄婚娶卒葬亦皆如之其有析居在外者則於歲時會集告而書焉庶幾宗籍不致於失亂也成化十四年戊戌秋八月朔日十六世吏部郎中孔昭謹識

重脩大宗譜圖小序

人生本於祖尊祖者不可以不敬宗故古聖王之治民而必慎為之宗焉蓋以統會一家之人心也後世宗法雖廢而賢士大夫猶有譜可尋故吾家舊譜既每六世而序列之又為宗譜圖以冠諸首此即存古大宗法也但圖世皆橫書而直系之遠則予孫衆多而不可續故今倣蘇氏通譜易為此圖凡為吾黃氏子孫者庶於是而有以知万殊一本之義也

重脩小宗譜圖小序

按禮小宗有四宗其為高祖後者為高祖宗宗莫為曾祖後者為曾祖宗宗其為祖後者為祖宗宗其為父後者為父宗以其轉遷別於大宗也自高祖至玄孫五世而服已盡故今損舊譜一世依歐陽氏五世為圖至六世則又以玄孫為高祖各系其所出而別自為世焉使吾子孫隨其上下源流之所自各宗其宗則孝敬誠衰於所親乎

宗譜傳小序

舊譜有世事錄惟善之可傳於後世者書之其無善可傳者分載行字生卒年壽葬娶於支圖之下今皆各為之傳者遵歐陽譜法也然據事實書而有善無善亦可見矣凡吾子孫欲有傳於後世者可不法祖以自力於善乎

宗譜婚姻世考小序

按歐蘇譜書夫人書娶而不詳其外家所以重本宗也書男而不書女所以重嗣續也然禮以夫婦為綱而諸舅朋友為之紀助則君子之於婚姻亦不可不致親愛焉故今於宗譜外別為黃氏婚姻世考庶吾子孫隨其親疎以為降殺不於世遠而遂忘之則先王睦姻之教亦未為無補也

宗譜居徒世考小序

吾家洞黃僻在邑東南万山中四方之賓客非有事不到誠桃源一別境也但其地水下土高可以耕者甚鮮族大歲或不給則子孫有不得不隨產而迂者苟不圖其居徒世次以示将来則世遠跡疏卒不有視同姓如路人者乎噫沿流訴源吾深有望於後之人也

宗譜墳墓圖志小序

古者葬以齒列昭穆故周禮曰疾坟墓所以同其葬也吾家先塋塚所居山麓封堂

疊々無間咫尺甚得古人同葬之意但地
狹不能以昭穆為序久或失其世代此吾
坟墓圖志所以作也覘者於此而有得焉
則死而出鄉歿為子孫求葬利者亦多見
其惑矣

壽淡室王公七十序

淡室王公希白今年冬十二月某日壽七十
先是公之婿蔡元進氏介書來謂予序
其所謂淡室者以為公壽淡室之從弟希
文與予為莫逆交元進又予姻家弟也不
得以不誌辭乃從而叩之曰予嘗見公之
所謂淡室者短棟渾楹不鏤不琢土墻板
戶不朱不墨公之所謂淡乎葛巾布裘不
綺不襦瘦逸杖步不馬不車公之所謂淡
乎人皆訥々我若無能人皆施施我獨不
矜公之所謂淡乎夫是之謂人皆得而見
之者其外也誠不至而偽為者之所可得
而誌也君子之所謂淡者為己之李謹獨

無歲於中無交於物與神明伍與造化游
推而極之為不顯之德為焉恭之敬為無
事無冥之妙斯君子之所謂淡乎見公淡
室之榜有所謂禦寒自脩者公豈嘗有見
乎此乎見之而不實用其力予愧于是多
矣予固未能淡其外者而顧以是望公其
于也武元進謂迂也則請更為頌禱之說
以告之淡室以為何如

方先生遜志齋集後序

孔昭自幼習聞先生之名於鄉長老私謂
先生孝本天成非人所能及也既長稍知
向慕求先生遺文而讀之則知先生之孝
雖浩瀚如江海運動如日月變化如鬼神
而其所言無一不出乎日用彝倫之常蓋
皆愚夫愚婦之所能知能行而天地聖人
之所不能外嗚呼先生之孝固孔子孟子
之孝也孝者欲孝孔孟之道孰得而後之
哉惜其遺文散佚天下僅見趙教諭刻本

孔昭乃典謝侍講鋒日加訪求而其邑之秀考稽缺各以所歲來告遂合集林二亞卿王李二中書與柳常州之所得者彙次之而是編成焉於是先生之文亦庶幾其全矣然先生之季已不愧存沒文之全不全亦奚損益哉惟吾後人小子欲求先生之道者非此則無以考其全也集既成福建林僉憲克賢寧海郭驥尹紳各以書來請壽諸梓孔昭典謝侍講圖斯文永久莫如先生桑梓之地故奉以屬郭尹郭尹又蒐訪於其邑得詩興文若干首附益之方經畫召工而金義士明陳訓導熙鄭李寃公詢秀才楊顥金遠輩咸奮義助相校書董治各有司任不日月板將告成嗚呼於此又可見先生德澤之在鄉邑者愈久而愈不忘也雖然集也抑豈吾台人所得而私之哉庸書諸末簡以告天下後世之欲知先生者成化十六年歲次庚子夏五月

朔後學太平黃孔昭謹識

靈璧縣疏濬小河記

靈璧知縣吳高元白列狀小河廢治頽末
并錄妻郎中原善所述河睢故道事跡遣
縣吏告予請文以紀疏濬之功昔禹既掩
河為九至滄州同入于海又於梁陽下分
大河為隴溝出之淮泗至浚儀西北復分
二渠其後曰石門渠者東注至敖山之北
而兼汴水在宋則孟州河陰縣南為汴首
受黃河之水宋人歲嘗均調水勢以通漕
運宋亡漕廢則河之不通汴之泛濫不
由故道蓋有年矣弘治戊申河徙汴南漫
為巨浸

朝廷惠之特

命今少司寇白公往治公還荐原善分理
焉原善謂禹貢之灘即今之汴沮即今之
睢汴水至歸德求城合睢為一東入于泗
因汴汴之上流以及於河沿睢之下流自

歸德飲馬池歷虞城夏邑永城宿州吳壁
雖卒以至宿遷小河口凡十有五處延袤
蓋千餘里而疏鑿堤防之功無所不至其
在灵璧者湮塞尤甚狹者闊之淺者濬之
廣或十數丈或三四丈深如廣十之一兩
岸則翼以促高十尺廣加高之二役丁夫
率近地十取其一使自相更代飲食有資
作息有節積日之數九旬積工之數三十
六万而成於是水復故道舟楫通行居者
免墾溺之憂行者有貿易之利人皆謂
朝廷之知白公而公之克任原善也或者
乃曰白公受

命以出為黃河為河南患也今原善受策
於公獨勤之于此小河何哉蓋水之為性
下無所洩則上必壅而為害小河之濬斯
其急也疏導以為受水之地邪孟子曰禹
之行水行其所無事使徒障其上流而逆
委之于壑豈水之性亦豈所謂行其所無

事者哉此固白公與原善治水先後緩急之序如此也因書之以復元白俾刻諸石其督相茲役者鳳陽推官李宿州知州萬本以及吾元白皆預有力焉

義學教條

竊念吾家聚族洞黃素以詩書為業故出者處者咸知禮義法度務存忠謹之心爭為孝廉之士惟恐有墮先緒柰何近年以來洞中田不加闢家下食指漸增多或不能請師教予以致昏愚頑惰罔知礼義我在仕途心實憂之故為古人義田之舉顧力未及茲於洞黃先設義田每年出俸餘以備束脩請廷學師庶同姓子弟各知所李無墜此詩書之緒謹特教條開示于後一師嚴則子弟率教故先儒論呂正獻公之賢必歸功於焦千之先生且人生於三事之如一誠在弟子弟能如君父之尊則知所以尊師

矣寧不率教乎

一九吾同姓子弟不問遠近親疎俱要遣赴義季讀書為父兄者資以紙筆朝夕督促戴星而起盡灯而眠不許縱其怠忽虛度光陰

一子弟讀書專在講明禮義期為好人非但要識熟畫知句讀而已聖賢教人太本不越孝弟忠信四事凡義學子弟不知務此先生重加鞭朴其餘課程自依常規施行一子弟中有資質聰穎可以進於遠大者令習時文如果刻志勤苦不能供備灯油我當助之

一洞黃外姓子弟有願來孝者亦各听容但能供備束脩則令另備不能則已不可阻其向善之心

題世科錄後

先考慎齋府君登正統丙辰周旋榜進士

官兵部職方主事不幸未中壽即棄予孤
早逝艱之撫一弱弟奔走南北竊惧詩書
之澤自我而墜日夜淬礪不敢暇逸天順
庚辰幸廁名王一變榜鄉里姻戚及四方
之交知於先考者莫不為予喜謂先考之
有後也今年辛丑予方在 朝列齒髮
未衰又身親於王華榜後見兒傅姓名何
幸如焉凡姻知之相遇於 朝及以書
來問者莫不交誼慶予以一門三世進士
為鄉里罕見噫是豈予父予脩為所能致
哉皆上世平日積累以遺先考者顯融未
竟故餘休及我後人也先考膺己酉鄉荐
家居踰二科始登第予與兒傅自鄉荐登
第亦各踰一科同第二甲同賜進士出身
據星曆家言予生立春後當為己酉歲是
與兒登第之年視先考同三十有二父子
孫相承如此則亦豈偶然哉自今以往不
知吾孫曾之有志於詩書者何如因會集

此三錄而總題曰黃氏世科錄庶承継不絕而有考於將來也然予於此復有大悵焉者古今継世科第非止一族而率有聞于天下後世者則未嘗在此蓋科第所以發身其所以顯親揚名坐則後嗣者則顧其立身立官何如爾使或於立身立官一有虧焉則人將指其錄而議曰彼父如此而子如此彼祖如此而孫如此乃反為祖父之羞也豈不大可憚哉謹書此于錄後付兒俾歲以自省併為後人勸也成化十七年歲次辛丑冬十一月朔日奉政大夫脩正庶吏部文選郎中橫孔昭世頤識

定軒存稿卷之十一

定軒存稿卷之十二

行狀

謝君世懋行狀

君諱績字世懋行十五姓謝氏先為會稽人其來黃岩則自宋經畧使諱執謫來平鎮始也九世至諱溫良者屬元季避亂昌國間轉徙不常國初平定樂桃谿山水之勝遂去舊族而定居焉桃谿今分隸太平新治則為太平

定軒存稿卷之十一

定軒存稿卷之十二

行狀

謝君世懋行狀

君諱績字世懋行十五姓謝氏先為會稽人其來黃岩則自宋經畧使諱執謫來平鎮始也九世至諱溫良者屬元季避亂昌國間轉徙不常國初平定樂桃谿山水之勝遂去舊族而定居焉桃谿今分隸太平新治則為太平

人實石之曾祖事母以孝聞世稱曰謝孝
子祖原忝號泉石翁父性全累贈奉訓大
夫南京兵部員外郎別號友松娶大閩陳
氏生省復及君甫四歲而卒贈宜人再娶
陳氏無出封太宜人側室林氏生濟友松
教二子專經以詩省登甲戌進士官南京
兵部主事員外郎今知宜興府綽有治步
君少聰穎與兄室慶自相師友讀書不務
誇多聖賢載籍之切於日用者口誦而心
繹之不窮極底裏不止嘗謂人曰今人為
李用心遠不逮古人而務廣收博取以繆
時名卒於鹵莽滅裂亦何益也用是李專
而精予弟有來受業者亦必諒之為之尽
心若從予鐸今翰林編脩鄉進士施榮則
材成而可見者也其平居接人統迂而言
朴或以不宜當世之務至戲稱為古儒君
亦欣之應之無可否而其遇物度情因時
達变周流詳委一不失于正雖時智謀之

士有不能到也故知君者謂使斯人而用
世隨其位之大小其事業必有可觀者自
弱冠抱藝以儒生弟子員進試于有司者
七而皆不售君喟然曰吾非不知屢黜屢
進之為嫌特不忍於明時自棄以自負于
上之所以養我者有司其負我哉我業未
精也乃令成化辛卯復就試竟以疾卒於
杭實科期前八月二日也友人高足美章
以礼欵殯之需其從元世遠以歸方疾革
猶惺惺身外事無幾微怨悔惟傳致功名
早退之言以遺宝慶蓋君天性焉於倫彝
奉撫母以孝事宝慶以恭撫庶弟與仲兄
孤姪以友以慈宝慶宦遊十八年兩歸其
鄉君亦兩覲于南京隨所處必就別室共
被以商今古講理道談詩句每夜至三鼓
而後寐宝慶在外家政巨細一總於君得
無內顧憂故當時兄弟同賢者咸尚謝氏
謂有古椿津之風謝氏族衆而散允婚葬

力所不及與先祠墓守之所當為者君一
以礼義身倡之其尊幼咸悼君亦無或敢
違于理者鄉之人有不相能亦往往從君
革氣降心以去其見信重於宗廟閭里類
如此予別君近十年去歲歸一再會各出
心腑以相信見其涵蓄充拓大有加于舊
所敬仰者後每十年見君則其進當未可
量也君之宜於世用而可徵者有王城山
人遺詩一卷翰林校藏于家長篇短章春
容千百皆感時憂事之志庶讀者有以知
之矣君之卒距其生宣德戊申正月九日
歷年四十有四號靜可又號玉城山人
配張氏無子女一人未許宝慶執
覲禮過浙江將會君之生而不及哭其死
亟命次子彩後君旦夜倍道奔赴以執其
喪卜以某年月日葬於前山之原謂墓不
可以無銘也屬孔昭列狀翰林將奉以請
能文予友君獲益最多於衆人亦惟予知

君為最深予不敢誣君乃拭淚序次其實
如右嗚呼

朝廷以科目為得賢如君者屈於死而不
進而所得於科目果何如哉不然使天假
之壽以為後土師哉則鄉間所得於后者
猶庶幾

朝廷所得於科目也今已矣吾復何望
哉

松塢府君行實

府君諱禮遷字尚試別號松塢姓黃氏黃
氏之先昭武鎮都監繙與其兄弟某徙
自今台黃岩新邑之太平洞黃大黃
舉皆有黃氏而洞黃都監之後為特著故
地以姓氏曰洞黃洞黃之居至府君蓋十
有四世矣府君高祖諱軒曾孫諱文質皆

長者祖諱德深兄弟篤于友愛至達集怡
棲以居一時大夫士多為詩文以褒咏之
考諱典庄惇慎言行孚于鄉里妣浦口金

氏紹下門葉氏俱有淑德府君性剛介明達讀書不為辭章允聖賢之言切於常行者一以身體之至於臨財雖一个無所苟弱冠家多故輒挺然出應門戶公私經理皆得其宜不以累其父兄諸弟生事僅取給足餘則尽出以為教子之資既長而倦于孝者則尽勤以歸農曰汝無遂末自營當番有餘以遺尔之子孫：「或於升斗錙銖取羸以求交易之利者則斥之終身無所貸一日嘗買紙於市：人誤與之過其數竟還之又嘗見困人盜其穀即潛回語從者曰彼所得我何我見之則終身懷慚無地矣家人有所貿易以歸未嘗問其價遠攜其物曰好：「子孫有疑之者輒大怒曰汝曷不自為之蓋府君律已教子孫甚嚴而待人則寬至於是曲直之間則又未嘗以親疎遠近而私焉故宗族悅其友僮僕樂其意鄉鄰親戚服其公允斗斛

權度之微亦必以府君者為之準先兵部
在官時歷辭養擢冀得滿九載以恩例封
府君竟齋志以歿時府君哭長子桃溪居
士未數月而訃至人皆為之不堪府君對
客欷淚曰壽夭命也兒顙榮日吾固未嘗
恃以干官府傲鄉里今兒雖死猶故吾也
何吾以自傷為哉自此猶康健十餘年每
鄉飲邑大夫必以札請首賓席皆力辭天
順戊寅閏二月乙丑無疾而卒於乎痛訃
府君平生好讀通鑑綱目每食糲手一卷
坐松下細閱古今成敗於鞍上戒子掩卷
嘆之不絕口先平之一日是書犹在手未
釋也距生洪武戊午七月二十三日享年
八十有一安人浦口葉氏繼葉氏祝氏皆
有婦德子男八長璉為鄉社師號桃溪居
士次瑜即先兵部以丙辰進士官戎方主
事贈奉直大夫吏部文選司員外郎參俊
以字行次宝次琉次瓊次璫次璵：

邑庠生女一適大許詔孫男三十二品
擢授贊吳映昂鼻照煊昊晉曠喇眼曷昂
暇睞是昉旦會睽欵昌喚瞻睨煦肺哨瞞
邑庠生曜即不肖孔昭也孫女四一適浦
口金鳳陽一適萬村吳行實二在室曾孫
男二十三倫倅從僚佐任仲位伍儀倩全
俸儉撓倜催伏侯伯偃倚脩儉倅俱邑
庠生曾孫女六玄孫四組紹繩絳卒之歲
諸父率孔昭奉府君葬于金字山之原安
人葉氏附焉孔昭深惧涼薄弗克負荷祖
德以綿于久遠便予孫知有所儀則謹歟
泣按其大槩以告于太史氏庶有採而傳
焉

至卿林公行狀

公諱鶚字一鶚別號畏齋姓林氏浙之台
州黃岩泉溪人衆溪今隸太平為新邑五
代時有諱適者徙自閩福唐之長溪迄今
凡幾世：有顯者曾祖養民號醉雲

國初嘗被荐以老乞歸更號石林後隱祖
從弟以公貴贈通議大夫刑部右侍郎父
純起鄉科訓導湖口湖口之人至今戶祝
之累贈至通議大夫刑部右侍郎母趙封
孺人贈淑人生母程累封至太淑人皆有
母道他若葉所長民良醫茂端南安知府
羊考功員外郎茂弘郎中璧李正昇訓導
湛諸公雖仕止不同而皆以孝行為大夫
士所推重蓋公之族曾祖叔祖諸父也公
既有令質而又得於家庭濡染之積自少
凝重如老成人居常寡言笑慎容止朋儕
中雖甚親密亦未嘗見其有所狎識者已
知其為遠大之器暨長後翰林檢討陳先
生遂游京秦庚午遂以詩經頌御薦明年
登進士第拜江西道監察御史天順丁丑
擢鎮江知府壬午調蘇州甲申擢江西按
察使成化丁亥遷右布政使尋轉左布政
使庚寅拜南京刑部右侍郎未幾丁內艱

閔乃為刑部右侍郎所至有步人皆推服
焉公為御史廉慎端嚴綽有才略大為左
都御史薦公維祺所器許時執政進退人
材有不協者公必倡察革廷言之若故寧
國知府沈公性今太子少保王公越秋官
亞師張公鑒悉相推崇景泰壬申奉
命按部真定諸郡邑所至風采凜々尤好
甄别人物校學之士凡經公獎拔者類至
通顯時號得人乙亥春京師南陽弗時昏
雍累日公首議論人事天道感應之

朝廷乃分遣臣寮編錄幽繫人心称快焉
丙子杖公監試京闈大臣有欲私其子者
公與考試官李士劉公儼執不從既而邑
人林挺適在第大臣遂誣挺下錦衣衛獄
以及挺榜擰幾至死卒无異詞乃得免
英庙初復位益嚴方回守令之選公自御
史出守鎮江召見
便殿諭以安民委任之意公至即政務周敝

一興起之但曰必知是乃是然未嘗一言暴前人非初漕艘病孟瀆河之險議者欲鑿河自七里港引金山上流灌丹陽泝常及蘇以避之

命既下都御史崔公恭力主之公曰自七里港接故河幾四十里壞人田宅墳墓无筭且長山一帶皆峻石雖斃竭人力終恐无益按志七里之東有京口閘京口之東有甘露霸皆故漕河也不若因而濬之雖下流不及其上數尺然水勢一至輒登九板苟由此沿城隍抵減渡故河才十餘里耳又其南濬呂城莽牛春夏以閘秋冬以壩則用力省而成功多矣崔公大悟亟具疏改命尽以屬公公昼夜惟務圖永久訖三月兩閘皆完好堅固河深可浸篙闔可方舟民至于今利之宋范公仲淹掌守鎮江陳公東陸公秀夫皆其鄉人也公至首作三賢祠以祠之陳左陸石范公中

居蓋亦以時代先後而處以義也焦山故
有漢隱士焦光祠 国初命有司歲祀之
祠僧乃塑像廟中為冕旒十二章衛士東
西立各執瓜斧儀仗儼乎帝王廟也公嘆
曰隱士在漢雖三聘不起我

高皇帝詔登祀典題木主曰漢隱士焦公
之神本其志也今顧為此像可乎乃亟命
撤去沈之江中初鎮江賦役不均民甚病
之公至歲令屬邑具戶口田賦手實盡得
其情乃第其先後臨事隨輕重按籍命之
民无有病者公在郡既五年郡稱大治巡
撫都御史劉公致謂公才堪任劇疏手
上詔以鎮易蘇去之日父老人士遮道以
千數願留公復以繫去恩公確然不可衆
強之不得釋乃召諸生費閻謂曰此非古
義况近名且我復敝今所進可直千錢吾
安得受之幸為我諭父老不然吾終不行
也閻以公意告父老令止乃止然猶追送

數十里俯伏道傍交口大呼曰古君子也
古君子也公在蘇州掌謁廟壇見兩廳先
賢塑像心甚不安而重於於改作偶為風
雨所毀乃撤而新之易以木主郡有吳泰
伯伍子胥及文正范公祠舊或先祠范公
公曰諸賢祀享當以時代遂更之今為定
制

皇帝御極之初公典江西按察使張公某
俱被荐張既補陝西布政使公有江西之
命時江西會昌長河洞民出為害且相讐
殺公得報即會藩閫詣其地諭利害以釋
其爭且令推衆所信服者二人為之老人
總甲每朔望則赴所司以聽令復設百戶
所於洞口屯住以防之初樂戶劉剛等不
伏從良私置娼婦三百五數日相競惑風
俗幾壞公至悉拘至官呂所親遣幕之仍
嚴其禁乃得止初廣信有妄傳天神夏尚
書寺假降邪神誣惑妖誕傳播驚疑公榜

諭利害且詳告以祀典國典之常其怪遂
息又列季造朝覲証獄已具公力辨出之
左浩周據德殺其所親公皆廉得其罪而
正之江西之人至今稱神明焉公自按察
使轉布政使雖政尚寬平而益嚴賞罰屬
吏肖太貽罪敗露竟坐充軍李標守法則
憐其死而給以棺斂之費故群下咸感其
恩畏其威更相戒飭而莫敢為非者矣公
在秋官歷兩京事寮長一以謙謹至事有
不可亦必和顏色以爭之務求其當乃已
御駕屬以禮每廷見寧立進退有常所雜
燕私亦未嘗見惰容故其沒也所至人皆
愛之重之而不敢有他公前官前後幾三
十年所至嚴重周密雖文案判稿未嘗作
草書及俗字重无大小必具稿乃行罰笞
杖以上胥身親之然待官吏務從寬厚不
摘發細故惟賊罪敗露必置之法不少貸
公為政務大休前人改善者守之否則漸

更之不為赫之公所至礼賢下士至與布衣通書問自署其名如平生交察校李諸生有材器者必誘掖之獎勸之至親為之講解若余費司業閻吳脩撰寬皆公素所注意者也公母夫人程性甚嚴公事之極孝每公退輒侍立問起居或少有不悅則跪請移時雖中夜不敢離左右家事尤大小一以咨決至今閫內之政不敢有所預公精勤不懈公次未嘗設床褥稍暇則危坐閱書史或臨古名帖作楷書每夜分乃止至五鼓則輒起以為常晚年博洽與人言輒歷牽以成誦凡為詩文務在理勝及用字有根據雖朋友往來尺牘亦不苟然恒自以其意所不滿出必削之故鮮有存者公酷愛古書籍兼副舉其務極精緻乃已缺必傳錄之已輒手校雖朱墨點畫亦未嘗見其有參差小大尤好輒鄉邻遺事每一言一善必倦之焉曰此吾後人之責

也公接人无少長務極恩意賢且材者雖
甚少必与抗礼居常雖甚倉卒客至未嘗
不款語至再茶乃已而於醉對之頃尤加
之意益恒因之以覘其人之得失而有取
焉公自入仕雖荐膺厚祿然不事家人主
產舊業所得且以分讓其兄弟沒之日行
蕭然人不知其為公卿之積也初公既奏
績追贈二代例得遣子入監察友皆勸
之行公謝曰吾旣无以報朝廷吾子且幼
敢復遽爾為也卒不諳公雖精於問斎然
早登顯仕人鮮及於其門以受業者獨其家
庭之間賴公以成就者為多若今福建按
察僉事克賢邑庠生謄國子生霄故黎城
教諭偃尤溪訓導鳳皆公之所切磋相為
師友者也公非甚病未嘗不見客見父冠
帶厲纊之前猶端坐不亂公沒之明日卧
聞

上悼閔之特遣官營奉事賜諭祭焉初公

之在刑部也天官亞卿劉公既陟內閣大夫士皆望公既其位大臣亦有以此荐公者既而不果用人至于公惜之公生於永樂癸卯月日卒於成化丙申十二月初八日享年五十有四配王氏累封淑人有賢行諸妾之有子者小過必曲為保護之不使公知予男二長保萊次保薇女未二有適

廣東左布政使陳公行狀

公諱選字士賢別號克庵系出東陽宋國子監司業左輔之後元初自東陽徙仙居再徙臨海陳姓遂為台人曾祖諱濬圭祖諱泰生贈文林郎廣東道監察御史父諱員諱歷官福建右布政使贈正奉大夫正治上卿卓為一時名臣先以御史按福嘗活沙寇脅從者萬餘人人至今懷其德不忘母金氏贈夫人維母沈氏封太夫人公自少沉靜端懇不妄言笑稍長從逸菴陳

憲食先生李奉子業下筆有警人語先生
深器重之景泰元年以礼經領卿荐會試
辞乙榜維丁正奉公憂家居十年窮討經
史益務其遠者大者天順四年中礼部會
試第一人遂登進士第年山西道監察御
史院長重其季行凡六獄當議者必咨以
取平必按江右大振風紀熟貪陁廉人心
服其公还朝適

憲宗嗣位向用言官益侃々自張會翰林

詞臣一以直言外補二以罪謫內遷皆事
關權貴人不敢言公独奏君子小人進退
治道所係不可不慎反覆千餘言竟得俞
允又列疏大臣不識者一二人臺諫得公
與莆田楊琅天下始知有公議而小人不

敢有妄意之求然亦由是為權貴所忌不
久奉

勑提李南畿既至念李者率務為浮靡之
文競取科第而所以檢察其身心者漫不

知何事殊非

朝廷養士本意故廵歷折至必居宿于李朝夕進諸生席前親與之間答講辭切勉其歛華就實求為古之圣賢其有一峯足一义手不合矩度者公則默之聳身端拱俟其改而後降色讀書次第必先之以小孝習峯業者落其浮詞而務依經以明理又以冠礼不行子弟不知責以成人之道每峯製為深衣幅巾及刊定礼仪使各肄習以範鄉閭其有親喪貧不能峯者力為資助而待之曲尽其恩然猶抵書京師知己論前輩提學之賢如王公玉陳公逸菴孫公鼎三先生而慊然恐有不逮成化六年拜河南按察副使未幾改調提河南李校其所以正己範物施教推恩无異於南畿而氣象益加宋裕蓋公之渾養進脩脫年又有進也小李板行於中州者少公特取朱子正本音訓詳釋刻印以遍示李

者提調既久不惟孝士大夫化其德而細民習知其公清之政亦延首仰望故一聞陞本司按察使莫不懂忻鼓舞時其自外來受任來道焚香迎拜曰我奉有福矣既視事之明日即取繫囚數百人次第訊遣仍為立約惟死囚監繫其次徒流什縣羈候笞杖放外待理凡赴訴并投文者舊苦於門卒輸索今一切斥罷令自隨期報入人甚樂其清簡而吏卒亦憚公不敢為私州縣官有當道親識怙勢虐民者公悉因事黜之不恕朝夕孜孜思革民弊雖三司同列欵勞費和置以病民者亦皆仰其風裁為之銷縮聞內報即日就道汴人老者呼壯者泣婦人啼百里之內壅塞至不可行服闋赴安吏部太宰尹公素知其賢荐為廣東右布政使踰年轉左布政使廣有權貴人倚市舶進貢為姦利科差紛擾不勝其害公既下令府縣罷省諸司一切浮

費奏減市舶占役餘戶三分之一遇有災
傷即時奏聞尽吾力勞救至有例所當得
者亦斥直公帑以為賑濟之需番人馬力
麻與海商私通販易託稱蘇門答刺國使
臣進貢有司驗符不合市舶利其貨奏欲
起送公極力辯奏將万物起解赴京使臣
就彼賞勞祭田是不惟途路免搔擾之屢
而海道亦絕私通之弊公方念廣東蒼痍
之民拯粒未甦又聞有中官伴送撤馬兒罕
使臣怕六灣迂道自廣歸國將由海在滿
刺加國置買獅子遠近驚恐搔擾因具疏
極言禽鳥花木飢不可食寒不可衣之牛
不可以代耕有警不可以出戰獅子亦一
駁爾若使西番以此搔擾滿刺加以及占
城殊失中國柔遠人之道且安南諸國聞
之必笑我見欺於西番以有用易无用國
體所關甚非細故冀啟開悟

上心并止市舶无名之貢權貴人既失餘

戶之利又每事忌公沮抑乃大肆醜言誣

罔

朝廷方下其事刑部議差官勘問右之者必欲去公則又因其再証逮於

詔獄廣之軍民合千萬人擁

詔使留公不果至朝夕號泣以隨揚恭惠

公以後果有得民心如公者公自信天理

不虧

之泰然一日召其子戴誥曰我籍

且宗近澤以有今日祿入之產汝不可以

以獨享我將以田一百四十畝為恩達奉

充祀先周族之用汝其守之又以所嘗道

李傳令人馳送南畿各季以詔李者成化

二十三年夏四月行至南雄乘作數日疾勢

漸增呼從吏取紙筆付以後事尚惺惺不亂至南昌

故人張太史廷祥先生畱寓石亭寺書院

請醫調治竟不能起是年七月二十一日也

時其子戴已於贛上分舟送家衆回猶三僕

在測額張太史与卿之仕于南昌者欵治其

喪歸餽海予以在京師屬吏方致公贛州手書
以元氣明天理之可恃而訢旨卒矣噫如公
者命止於斯天理亦何在耶卒之明年今

天子弘治改元冬官主事林沂憤當時勘事
官李行致公枉死道上奏欵將行下法司以

白公事賴

天子明聖特

詔復公舊官是天理之在人心者亦未嘗
不可恃也公為人清涓孤介立至以古圣

賢自期讀書不專務文辭五經以下于史

傳記有一言一事合於心者即標注別冊
朝夕身體而力行之居家事維母以孝處
兄弟以友疾言遷色不至於奴僕歷官自

御史而按察自按察而布政聞人之善謗
挾之如不及姦貪瑣嵬不合吾意者雖与
之对坐終日不少假以詞色憂國如家愛
民如子凡事有關於國於民者知无不為
為无不力維禍患在前不顧掌書八字座

右曰一心報國萬死不移凡其甘心於權
貴者蓋有足見矣平生自奉儉約不以富
貴改其常公燕廣會惟服先人舊衣帶客
至瓦具蔬食樸然无愧色於貪官污吏雖
不怒而治之則不尽其職廣有效更張聚
嘗見黜於公後權貴人鉤致之以為證若
訊不承顧乃上疏力詆當時勘事者貪冒
阿附至欲以死為公雪其冤蓋公不惟取
信於奸邪之人天下之人亦皆知其為正

人君子

朝廷缺要職則中外莫不私相屬望以幸
其大用普茲德澤於天下公其不死逢此
清明之運將必一遷再遷起為

廊柱石其所建立豈不有以大慰斯民
之望哉余不幸施用方享壽止於五十有
八則又何但予知己痛之天下之人无不
痛也予嘗觀人之德厚^者享報不於其身必
於其子孫又聞歐陽脩母因其父燈下為

死獄求生不得之嘆而知必有後公之德不可謂不厚也又為御史能辦前凶讒內官之非劣為按察能活繫囚桂廷璋於東死至為布政賴克哥等三十餘人官書已附成為畜賊矣公則審保漁人而出之劉馬住黃福寺二獄怨家已誣陷為強盜矣公則審係良民而宥之以是心而求其子孫豈不昌大矣乎先娶王氏贈孺人繼娶長氏皆有婦德子男四曰藩曰翼俱府學李生早卒日戴讀書能知大義曰庚始三歲女二孫男一女一俱幼遺文有丹崖集若干卷經羲若干卷成化二十三年丁未正月朔与王孺人合葬于八疊山之原侍講謝鳴治先生旣為銘以誌曠矣張廷祥先生許文其巖道之石必湏亭狀以倫採擇謹錄次其平生如右并以備後之修史者謹狀

臺灣國家圖書館, NATIONAL CENTRAL LIBRARY, TAIWAN, R.O.C.

毛軒存稿卷之十二

定軒存稿卷之十三

表志

福建按察司僉事林君墓表

臣奏

臺灣國家圖書館, NATIONAL CENTRAL LIBRARY, TAIWAN, R.O.C.

君林氏諱壘字克賢後以字行更字一中
自少敏而好學早遊邑庠以書經荐于禮
部屢試得進士出身授刑部主事以法律
自守罪人情與律當者雖重未嘗姑息苟
律與情未當則必求其平而不為威勢所
移錦衣古詔獄也政事錦衣有成案雖究

刑部不敢反阮成者錦衣當以大辟君審
知其冤惻然曰殺人以媚人壞
朝廷法吾豈為哉請於司寇陸公必奏減
其罪而後已自是能聲益著有疑獄恒以
屬君所多辯決如王宗穰得不坐以投
匿名文書則當時朝士所共知也主事始
踰考即陞為員外郎且衆看詳三法司奏
案廷無滯獄君之功蓋多焉未或以才推
陞福建按察司僉事所至激濁揚清官吏
望風畏憚各思洗濯以自新凡事便於民
及有補於教化者為之無顧忌清軍御史
尹仁所行多不法君與同戚張鳴指斥之
尹憾焉逮君以憂去遂媒蘖其後事不得
則大訕於當道以沮君之進服闋再為福
建僉事君畧不介意益盡心於其戚之當
為者嘗有大臣從豪奴虐鄉里府縣莫敢
如何君悉收置之法彼深以為恥亦日思
所以擠君

延福寧道滿當道適海賊為

惠衆謂安輯莫如君也按御史佐遂檄

君再延一年君至撫治有方不煩餘力而

海道寧息在福建兩監鄉試去取一以公

有欲以私意上下者君極力爭之不必徇

福建去京師武臣多不法君按治之不

少恕至有乘大臣私憾肆言誣敗雖莫能

洗然當道惑其謠屈君十年不遷至公論

定尊章方上而君又以憂去矣及家未踰

時即感危疾予在京師始聞今國子祭酒

鳴治勿藥之報豈意君竟由此不起實成

化乙巳七月二十有八日也距其生宣德

辛亥得年五十有六而已嗚呼惜哉君族

徙自閩居今太平泉村已十有二世曾祖

周氏祖從深父格母胡氏君在朝得封父

為刑部主事母為太安人妻陳氏封安人

子男二出側室氏長保昌補邑庠生次

保旦尚幼女二陳出黃岩張鰲樂清章

其婿也君少季於叔祖考功員外郎茂弘

先生既仕以其兄侍郎一鶚為師友平生忠孝伉直志意廣博好隨事立功名與人接徐言緩步俱以善相善未嘗少阿以苟容可謂能正行直道者矣而其位止於是何也蓋世之取高位者非隨時觀勢輕重其法以要譽於當道於鄉之宦達則荒謬惇冒務以私智立声威烜赫入耳目二者皆非君所長而乃一以公法求盡當為之戒則其不為也所好亦宜也君讀書好窮古今治亂興衰及諸名臣行事之跡文章學宋大家波瀾汪衍所存有抑齋稿若干卷君自登太學至歷仕外藩所交知名士甚衆求其少壯顛晦以道義相磨切至老無間於一膜者則惟鳴治與予二人也鳴治於其終謂所託以不死者在我二人故初以銘文屬予既將掩其墓鳴治自為銘仍以稿馳示京下俾予為文以表其墓上之石嗚呼予平生所望於一中者僅

止於是忍不為之表耶惟一執筆則哀思
萬念故去君之葬五年而未能成今姑櫬
其平生大槩授其子保昌使刻諸墓以表
著之庶後之人欲知君之所未試者有考
焉

蔡侯軒先生墓表

臺灣國家圖書館 NATIONAL CENTRAL LIBRARY, TAIWAN, R.O.C.

成化庚寅十月二十有五日侯軒蔡先生
壽八十有二考終于家越歲丙午始克葬
于東奥山之原明年其子丹陽教諭敦遣
其子徽持書來告予曰毅先人墓石未立
行義未白于世敦罪實深惟知先人者莫
如予其為我表諸孔昭忝婚先生季弟巴
東尹慕陶居士之女素辱知愛曷敢以不
文辭謹再拜受書而言曰先生諱什字尚
朋姓蔡氏其先黃岩象山人七世祖和為
西橋李氏贅婿遂徙居焉曾祖伯昭叔父
茂行義重于鄉里里人不名咸稱為生白
翁西橋之蔡蓋至翁而益顯母王氏兄弟

六人先生嘗以父命後其伯父貴安一人
寧溪王氏子男三長煥以春秋累牽不第
次魁南京光祿寺監事次即丹陽丹陽之
子餘慶以進士為中書舍人他孫曾餘二
十入捷有志先生清靜狷介而心實平
恕自幼讀書慕義樂與人為善里巷子弟
有頑從斅者悉進教之無倦歲市童蒙書
給資貧無書者居常葛巾布裳蕭然塵外
世之嗜好若一無芥蒂於心事所後父母
生死能以禮而孝不替於所生兄弟歎均
分父產固以義讓弗受至於故師趙季潛
臨終報謝以古書數十卷再拜郤之監事
冠以綿衣一襲來獻亦作詩還書戒焉待
子姓嚴而有恩族子炳孤貧贅于外家
強欲奪其女改嫁之先生委曲周全折屋
與居使終身保有妻子之養與人交相規
以正有過失不問其責富必直言面貸無
隱諸弟或咎其已甚則曰交友之道當如

是也為詩有風瓢集數卷藏于家先生行脩於身教於家而杳聞于鄉者如此則其得於天者自宜有以異於人也世之人莫不以壽考予孫厚望於天而所以求諸己者顧或未至於乎天豈獨厚先生哉孔昭不佞敢次先生行履使槩表諸墓庶哉之入或有考於天人感應之理焉

曾大父統五府君墓表

臺灣國家圖書館 NATIONAL CENTRAL LIBRARY, TAIWAN, R.O.C.

曾大父統五府君墓在洞黃金字山左神堂前之原自始葬至今已踰六十霜露人來洞黃者由碑下登巔則龍上松楸飛揚目睫皆知此中山川秀氣所蟠而不知為吾黃氏何代祖孔昭忝竊祿未死敢不竭以表諸墓上謹按洞黃之居始自都監公至府君已十有二世雖多不仕而世有厚德父某母彭氏府君諱某字某兄弟二人同居不分事具集怡樓詩卷配浦口金氏繼下門葉氏子男五人焉某贈嘉議大

夫南京工郎右侍郎鄉人稱松塢先生者
是也次某某某某女一人嫁浦口金如城
孫男十六人彥俊以進士卒官兵部職方
主事贈嘉議大夫南京工部右侍郎彥良
邑庠生女三人曾孫男四十歲人孔昭名
曜以字行燭煦邑庠生女六人玄孫二十
三人倫為休寧訓導備以進士為兵部武
選司主事伍亦邑庠生倩為陰陽季訓術文
義人其他子孫不仕者亦多恂有士行
聞孫義人女義人俱幼孔昭後府君卒之
二歲始生實不及見府君既長遠事大父
松塢嘗聞教諸叔曰汝等宜安分毋多用
聰明汝祖七十六歲於等秤未嘗識也蓋
府君為人敦朴謹厚仁厚平恕天機內蘊
入微不形故事親孝事長弟處人接物能
以誠以信於凡言行必自遜檢寧八負我
而我不負人也晚年出必以杖一端常懸
戒殺二字至親友家示隨所有治具不設

為我特殺牲其烹物之仁類如此同居有
堂兄弟二人家衆指繁各請分異松桂軒
僻陋衆不欲承府君獨并其田產之薄惡
者承之無難色俗謬以世慈善惟佛故咸
以黃大佛稱之一日外弟金敬溫以耆老
赴京言事伯兄谷春授府君詩一章歛十
命奔贈其行府君相見獨遺以鉢而詩
竟忘之既歸伯兄問其詩猶在書以無用
後敬溫言事犯

太祖高皇帝怒當以籍沒重刑并逮其薩
中贈詩之家為邊戎而吾家獨幸無事鄉
人皆以為府君積善之報非耶府君行脩
於家而声誉聞於鄉其自得者壽考見於身
其有餘者流澤見於後故其年至於七十
有六而子孫衆至千餘指又世登甲科食
祿于

朝其與忘詩之報信相符矣孔昭藉此遺

雲朝夕兢

二

謹述平日所聞於祖父者刻

以為庶後之子孫於此有考焉

琴趣處士金公安人黃氏合葬墓誌銘

處士姓金諱鏞字如別號琴趣配安人黃氏孔昭之世姑也安人卒之明年諸子以處士命委銘孔昭方哀悼未遑又明年成化甲午不幸處士亦卒孔昭自念先大夫兵部監伯考桃溪居士既亂失恃長而知李先松塢祖考遺從姑氏宿食師葉拙訥程成趣二先生重有館穀之恩今合葬二祀墓尚未有銘孔昭敢終以不文辭按譜金本河內劉姓後徙越避錢武穆王嫌名去郊與刀始姓金氏由越徙台之黃岩則自其二十一世祖諱瑛始也今其所居浦口分隸太平則又為太平人高祖考諱叔甫曾祖考諱景存俱隱居不仕祖考諱亨宗字用嘉仕元為海道巡防千戶考諱世良字敬脩天性孝友富而知義妣施氏

自在室至於有家兩刻股以愈其母及姑之疾於內政極有功允疏宗遠戚生不能婚嫁死不能葬者咸至今德之故鄉人稱先世遺澤在于孫者獨於慶士兄弟四人有徵焉慶士出庶母某氏為人沉默恬逸生不與名人利客馳騁競尺寸日掃一室置古書一卷古琴一張焚香靜坐絃歌音樂昔孔昭歸自京師每獲侍坐渴覘其鼓琴得意時希音調泠泠起手指間悠然自得於高山流水之上雖戶外浮雲變態俗務紛囂怡然若不知也故自號曰琴趣而人亦以是名之然能得其所以趣者哉何人哉安人黃氏生有淑貞長歸慶士以其事父母者事其舅姑以其慶兄弟者處其妯娌愛不弛於僕媵敬不棄於夫子晚歲慶士徙居石刺山下凡百經營之勞安人一以身任之慶士惟指畫其規模大畧而已慶士少安人二歲生卒之日俱年

七十有六子男五人曰江曰油曰涯曰滌
曰澤女二人黃岩蔡培太平潘寧治其壻
也孫男武人孫女武人長適陝州判官葉
培之子鳳章餘尚在室曾孫男武人女武
人子油孫枕及潘氏女皆先慶士安人卒
長子江等卜兆得金烏鳳凰山之原遂以
成化十二年丙申十一月初六日丙午合
葬焉銘曰

古樂之存惟琴斯張嗟公之趣與琴相忘
听者在御其专洋嗟公已矣人琴俱忘
我铭斯石百世之光

定軒存稿卷之十四

祭文

祭謝靜可世懋文

嗚呼吾鄉素稱多才而如靜可百不有一
吾生不能廣交而如靜可得一勝百使靜
可掇高科躋顯途以夫推于鄉者推于天
下資于友者資于家國則雖崇階峻秩
人孰不以為當得也顧乃偃蹇明世歷三
十年蘊學脩道而不獲一試于用竟齋志

於武林以沒也嗚呼天之生材果如是乎
雖然靜可其存也會不以窮通得喪致尤
於人其沒也又寧以死生壽夭致憾于天
耶吾但悲夫靜可亡矣而卿之見利奔走
者自以為得不復知索已之可貴也與世
推移者自以為能不復知直道之可珍也
小子夢々欲執經問難而奚從吾道踽々
欲考德論心而奚與嗚呼哀哉此吾所以
聞訃大泣徹食廢寢中心望望如有所失
也嗚呼痛哉論詩西屋我歸十載之違也
而倉卒執手遂為永終遺書京師爾來赴
試之日也而勤渠半紙遂為絕筆悠悠蒼
天其如我何有棺在堂莫拊以慟有綿臨
穴莫執以送謹脩無詞侑以束香遣男正
備致奠一觴靜可灵其有知也吾將復有
慰焉郡守爾兄友愛誠慈爾之後事必有
以托也翰林尔姪師友湧源尔之文字必
有以傳也嗚呼靜可亦得以瞑目矣亦得

以瞑目矣

祭致仕少司馬吳公文

嗟々先人實公同官感佩恩德何啻立山
惟予小子追念疇昔臨紙欷言涕淚交臆
正統丙寅家禍荐臻父母繼亡弟妹孤存
賴公經理生安死歟凡百備悉一無遺欠
予至自南慟絕于天公手撫慰仗以周旋
乞銘刻石移家載柩藉力于公不吝所存
予生固陋期望諒々至情入骨言之痛辛
公性剛直少與時合致政還徹仰欷趨謁
跋涉仕途餘二十年念無良便中心跼然
謂公有德必享遐壽孰知今日訃聞

臺灣國家圖書館 NATIONAL CENTRAL LIBRARY TAIWAN R.O.C.

朝奏長牘短札手筆儀形開卷再讀見公
如生嗚呼伐木不作朋友道喪公於先人
古豈多見太史述德大小畢書於斯有考
可以類推朝廷命官恩葬有日羈身
万里何由執拂頓首誠詞付令子歸為予
跪席敷此衷私有帛四端有香一束神其

有美尚其鑒贊嗚呼哀哉

祭參政國時雍文

嗚呼天之生物或長或短或厚或薄貴賤壽夭又有不齊人孰得而一之而予於子獨痛咨流涕終日而不已者夫豈不知天命哉惟子才足以脩政立事而不違道以千言德足以致君澤民而不曲學以阿世如子者用之臺省用之廊廟用之獨當一面方寸之寄則何往而不宜令子位僅參平外藩年未及於中壽而竟如斯已矣則所謂作善必有餘慶仁者宜在高位一皆虛語也耶嗟時雍貴賤壽夭誠有定數予固不得而如何而予所獨恨者與子同官吏部除十數年朝焉偕入暮焉偕出聯或以登堂合力以共事談笑或至於忘形寅恭不失乎正義昔者山東之行尚眷執手而不忍捨今江西一別未朞月乃遽隔函明而異生死則予之痛咨流涕何時

而已耶何時而已耶嗚呼善人之望執於天者不於其身則於其子今有丈夫子四方各讀書進脩強志自立期為世之大用則子之歟於身而弗克施者不亦在於斯乎是子亦可以無憾矣嗚呼暮雲慘兮白鶴飛苑策栗兮蘭蕙摧善人去兮望不來倚天涯兮徒沾哀託郡侯兮荐哀詞灵不昧兮其鑒之嗚呼尚享

祭廣東左布政使陳公士賢文

臺灣國家圖書館, NATIONAL CENTRAL LIBRARY, TAIWAN, R.O.C.
惟公始以庚辰會元授職烏臺一疏奪一
學士之命再疏移大司馬之權天下已凜然仰其風采謂真鐵面不可犯也既而專
命提學春風生於旌節德化洽於人心由
南武歷中州學士大夫尊之如伊川親之
若安定至于令不忘中州之人初聞轉陞
長憲連門徹巷焚香迎拜咸懽呼相告曰
吾民自今得以優游於含哺鼓腹之天而
無暴刑搜賦我如也終聞守制去任奔走

道路攀棘卧轍咸哭泣相告曰吾父母已去吾何以生哉朝野內外雖有不識公者聞公姓名莫不望公大用以福天下每遇臺省缺人則自相傳報朝廷已用陳公矣天官宰因公起復一轉為右政再轉為左政亦將以天下公論為後日用公之梯階而公方且竭盡心力於廣人廣入之愛公者則視中州而有加夫何天不愛公而竟如是已耶嗚呼哀哉公之所以大得於人心者是豈多音笑貌為哉惟公稟天地之正氣學聖賢之正學涵濡万物善藴而為一心之德沉潛六經發而為一身之章在貧賤無羞容憂富貴無矜色非衣惡食取予必慎乎織芥忠國愛民待循不失手三尺正冠終日以危坐言動慎重而簡默待下曲盡乎仁慈交友務致爭忠告使進與古之韓范富歐並位而齊驅則功業必興日星爭光而競烈豈但如斯

而已耶惟公獨行不愧于影矯枉或過乎
情此君子同道者雖心慕而誠敬彼小人
異已者未免媢疾而媿猜今日非理之誣
幸聖明之已察萬里反覆之累嗟天
道其如何展書再讀元氣之喻不爽撫事
長號善人之心實灰嗚呼哀哉昔予承乏
銓曹歷計天下之美材如公者不數人今
公已矣隨事脩補徒尔紛紜誰其相與共
守天下之大公建天下之大節立天下之
大政以為唐虞三代之大臣哉此公之死
天下君子所共惜非予同年同郡同志之
友獨慟哭而悲幸也茲舍姪倫公便南歸
謹具香幣奉荐几筵竹帛有盡公善莫書
江河有限吾恨何穷惟是不昧尚其昭鑒
嗚呼哀哉嗚呼痛哉

祭福建僉事林君一中文

四海交游孰非兄弟惟處而同志相求者
不我同出而同舟共濟者非我同處求

其歷少壯合出處昭契而無間者獨子與
鳴治而已今我繫官京師鳴治養高鄉里
子將何遺何而逝也嗚呼天下事宜百折
万殊以予美貌之才暢之以窮經博史之
學果何事而不可為也內外臺省崇階峻
資以子清直之操濟之以法律條貫之嚴
亦何戢而不可居也今予一司秋官奄及
五年丙寅閏憲父踰十載後進屢廷予戢
不改則人心頽賢進能之公何在也杖經
旋歸父殯在堂扶弟黃門卒使送方家門
有此已為不祥夫何凶禍彌及爾躬是夫
道之培德祐善者信茫々也我於仲春敬
脩慰書楮尾奉之服蒲會期一言未復死
生睽離耿蘭初報且驚且疑謂予雖不獲
大用於前日將必散髮海隅享永壽於來
茲今遽如斯而已矣我安得而不悲也我
安得而不悲也世之儼多稱者卒多趨權
附勢因人低昂予獨持繩守尺矟然號

於人曰今之法人孰不以為揆也世之冒
崇高者率多諛詞詭行隨流濁汙子獨縷
步徐揖曉然號於人曰古之道人孰不
以為擗也他入有惡予直規之則彼之諱
過者必以為許也他入有善予直楊之則
彼之醜正者必以為軌也然予雖不獲譽
於小人而君子稱天下僉憲之才者必曰
林公今死孰不為之怛也雖不獲壽於天
而相知來稱二雖之秀者莫不曰跨龜則
爾之後必大有發也予亦何恨而不瞑目
也耶予亦何恨而不瞑目也耶嗚呼哀哉

焚黃祭祖父母墓文
弘治二年十月

嗟：顯祖厚積弗施爰及我父始用于其
力謝善擢生冀 恩推狡蒼不憇中道
而殂憊惟劣孫昏蒙無似卑服先訓忝登
未第祖德未酬父願未遂朝夕致：惟深
恐惧遠賴餘慶擢貳冬卿履仕未幾遇例

祖妣咸遂追榮伏念承由曷勝感悼謹遣
男備臨墓以恩靈不昧服茲顯號尚啓後
人再圖遠報

楚黃恭父母墓文

惟我先君志大業廣積德累行遠追古人
策熟立名高視當世天靳爵壽僅止於斯
流慶餘澤遺我小子嗣有官祿眷陟貳卿
適矣 詔書推 恩群辟進贈先君

官階三品而先淑人亦同加封 錦誥輝

煌褒稱益著厚德之報寧不在茲顧惟貌
孤祿養弗逮伏念生育哀慕益深祇用錄
黃遣備焚告恩灵如在服茲寵榮曜雖不
才敢不敬慎惟忠惟孝無或怠荒繼有
封襄尚克嘉顯覆我後嗣世 永昌

定軒存稿卷之十四

定軒存稿卷之十五

書

與姜廷器書

臺灣國家圖書館, NATIONAL CENTRAL LIBRARY, TAIWAN, R.O.C.

同年於閣下為知己而三年不能致一字
以問豈其忘情遠道哉蓋寧海善政落
在人口故雖不獲與閣下握手論心而此
心之塊竒自信者發於爾而通於我矣區
區離別書不書可也昨得七月手教知閣
下亦有以諒之僕八月方自江西湖廣使

定軒存稿卷之十四

定軒存稿卷之十五

書

與姜廷器書

臺灣國家圖書館, NATIONAL CENTRAL LIBRARY, TAIWAN, R.O.C.

同年於閣下為知己而三年不能致一字
以問豈其忘情遠道哉蓋寧海善政落
在人口故雖不獲與閣下握手論心而此
心之塊竒自信者發於爾而通於我矣區
區離別書不書可也昨得七月手教知閣
下亦有以諒之僕八月方自江西湖廣使

歸多病為州縣者急於謀己而緩於謀下
下不得其欲則戚々共怒而紛訐之其宜
也乃謀於上曰斯地之民以猥以狡以笨
以好誹官長卒不省己之於民何如此無
他利欲之根於己者深也閣下示我咬得
菜根推此而極之則無一毛利己之私凡
可以利民者何憚不為欲民樂於政化而
和氣見於七岐八歧之麥也吁今昔一寧
海耳由人視之為桀由予視之為淳善惡
果係於民哉僕自愧不能詩々未足揚予
之善敢歷告于同年俾由百而千而万而
徧聞于天下之司牧者庶幾淳廉之風自
閣下發之也閣下亦毋以此自足斯為終
善也僕竊祿部曹無可為述者人固率此
以復不具

與林一鶴侍郎書

孟夏行次臨清忽聞閣下有秋卿之
命喜躍不能自己既而到京允朝士大夫

相識與不相識咸引以相慶是豈但為鄉
里光榮而喜蓋為朝廷公道昭明喜得
真材以為用也然此亦烏足以盡閣下之
用哉竊觀古之大臣文行器業以求之今
或少見其似者茲設於閣下之身觀見古
之所謂大臣者以昭我國家人才之
盛不使後人謂典籍所載為虛文抑豈區
區之私望也孔昭素性固陋乏知人之明
乃承謬調此夙夜兢々反求諸心而不知
其所以稱高明其何以教之蓋孔昭耽專
持簿書考官資年勞以听上人之奏請固
無與於用舍也然立於大賈之旁而弗識
物之可貴可賤亦安所用我哉且天下輿
圖之廣百司之衆不軾人々而身接之烏
知其為賢為不賢亦遙採諸人言而已彼
言者未必盡如所望又烏必其言之皆當
哉閣下身歷名郡大藩明鑑燭物於夫所
屬及九徃來經接之賢者才者必廉得其

實以充藥籠之需其或有滯而未用：未
充其位者寧不為之稱嘆而咨嗟乎閣下
度不肖不可與言則已如可與言謂非出
位之求則乞列名偹疏其才之所宜於大
於小者以示孔昭不肖雖不能必上人之
見信以達諸 天子之庭而或庶哉於
万一實天下公天下之賜也亦孔昭之分
也表姪行謹具此奉賀并少布區々 万希
照察幸甚

與陳儒珍書

汪王從事至承賜詩三章每章二十字而
愛民憂國之心規過勸善之意 乎如千
万言之長僕雖固陋敢不悚心拜教但僕
名在典銓而據所戒不過按簿書考平資
受冢宰成等而已其或有見言之在往听
之在彼亦不能必其用奉教徒增愧赧尚
何益哉惟因時決去自避賢路則可以求
謝於知己也雖然時世因循亦多事有可

行而勢不可行者試以所選監生言之其
廉於郡縣貢於成均者有司苟為姑息率
不以才且或以米馬輸官雜進臨日鑒試
問羊而荅牛者半之昔李家宰欲畧加沙
汰則謗譽蠭異終致斥去如此輩皆授以
民事其不為繫霜者哉希近家宰多以進
士選補邑令蓋亦為斯民深計然未試以
事亦孰其賢而用不賢而舍使天下皆雨
露也夫以天下庶職之繁人才之廣固非
銓部耳目所能及湏如執事所謂分各
荐可也但人情多私少公官府不厭連坐
之法而所荐非親則故甚至彼此更互無
迹可尋欲望其得人亦未能也僕每日夜
思之惟 聖君賢相不徇人情大舉而
更張之在郡縣者非才不第未成均者非
才不貢興鄉試會試者非才不第興今見
在六館生堂記名及入選者惟才是畧而
所貴乎才者皆有敦德脩文之實於焉大

開荐賢之路重嚴達坐之法則百官庶職
或其得人也僕竊祿不能自效又不能早
去使執事終日抱卧而棄南山之不治則
凡所論豈不為文飾之具哉起執事於廟
堂之上相與彈忠竭慮尚有待於來日惟
不終鄙外乞時賜教益幸甚

與袁德純書

去歲曾貢尺楮奉慰予夏之戚計必達矣
繙聞使車自科塲回為民之心愈益拳々
遠近稱戴如一是知仁義之道不行則已
行則未嘗無效尚何俗吏務以智術欺吾
民哉日來未審紀綱條目施張次第若何
蓋弊邑風俗頹靡斯民窮困甚至盜賊白
日聚劫肆無所忌不賴賢大夫日夜思所
以變易之拯救之弭寧之何以稱治哉閭
下素以古聖賢自期則凡所以施張必有
以大合於人心者若夫安常以苟祿矯情
以速名豈其志也故今日道路之間未敢

報為閣下喜而更有望於期月之後惟閣
下有以副之又聞廟學昔作粗完未審鄉
賢祠嘗以立否舊縣祠內盛聖泉先生戴
大監先生葉拙訥先生此皆太平產也今
閣下將通舊縣所祠者祠之抑止分祠二
先生僕與翰林謝內史邈求吾鄉先哲在
宋如王方巖侍郎先生在國朝如郭貞
成知縣先生王靜李脩撰先生其正李純
德大鄰皆後輩所知仰在礼當祠者昔年
僕帰曾以葉拙訥先生近在耳目者稟誦
郡邑升拊而方巖貞成靜李三先生尚留
待閣下有志於風化者如不以僕言為妄
乞准孝中諸生一呈上中諸府仍下之
縣率諸生告而祠焉且轉黃巖同拊諸
祠廟此僕等拳拳至望也三先生事實具
在謝內史書若劉府主則僕曾達之矣僕
謂黃巖太平雖分為二邑而諸先哲從祀
鄉祠者皆昔日全邑之人則二邑之孝孰

不可尊而祀之是於礼宜無相彼此為得
巖邑大夫度與閣下相信礼之可否在自
商度僕不敢另奉書謹布告不具

與陳敬所書

臺灣國家圖書館 NATIONAL CENTRAL LIBRARY, TAIWAN, R.O.C.

晨予聞執事解孝還山深嘆國家備
養成材一旦遺棄於寬閑寂寞之地徒待
尺蠖遠覘近視而竟無万千之力挽而置
諸廊廟日夜未嘗不忧之也近鄉人來京
師者咸稱東南子弟自得執事為之依歸
莫不改志奮為務本之孝博帶寬衣儒言
儒行者紛々率出不但如昔之誦書史摘
經旨專應科舉之求而已則執事之所以
退而脩諸家脩諸鄉以淑吾後生小子者
其功益大於進予之快之者庶乎可自釋
矣噫士風頽靡於此為甚不有執事與愚
得太守肇孤峯於絕岸則狂瀾哀哀人知
有利而不知有義知有進而不知有退吾
其誰與立哉今嗣輩想家季有承可亦有

志進用否小兒僥倖未解扣其趨向雖稍
有知但季問疎淺深造未能茲遣回鄉里
執事倘不以其固陋時加啓沃實區々交
游之望臨言拳々謹此布告不具

與謝愚得太守書

念自閣下辭去僕懷愧已深既而呂憲使
洪章憲僉懋相繼引病未一年而今林象
庵郎中雍又次意欲去再三畱之不可則
僕之列屬銓司慢賢失職者章々可罪苟
使見而能幸幸而能先則賢者豈肯如是
接踵而去哉既自知不能而猶久畱僭塞
賢路其罪益又甚矣乃蒙知己不棄屢賜
書札詩章捧讀可勝愧汗近與讓令姪孫
送鳴治令姪婦來京得見會總庵詩喜諗
閣下致孝於先代焉義於宗族者具有端
緒可似可續且念清德正季儀範鄉里後
進仰之者如太山北斗豈但深衣幅巾優
游與下稱為高致哉是一人之去足為万

人之式則 朝廷所以遂賢者之去又必不如強賢者之進也 小兒在家夙承資益今太學隨例放出讀書仍以家事遣还鄉里倘終與其進乞不惜提耳面命俾有成立僕有望於尊長也謹以此布露不具

與金華陳太守德脩書

近蒋宗誼到賜教帖縫又重拜樽酒之辱喜念文候起居休寧政声洋溢感慰不勝宗誼之缺已選進士林沂居魯補之居魯蒲產也大有志聖賢之李當其少時隨父金憲公為御史南京即有步聞僕初入仕每因士大夫談說竊致愛慕既而居魯父沒還蒲若欲終志山林有識居魯者力勸之仕乃膺丁酉鄉貢今年來會試禮部僕聞其至先以之小兒備躬造其行寓拜焉喜見其容貌詞氣涵養有素及登第小兒幸與同榜日得相從親炙僕亦時得接見具悉其孝行誠有過人者但惜其平日不

胥畱意時事於政務或多未達悉時諸堂老亦重欵畱以京職惟京缺不多而居魯名在三甲十二故特以推官擬注徽州後諸堂老皆謂必如陳太守之練達方可以包覆斯人而區々亦謂世不好古如居魯之為人亦惟閣下能好之故榜已成復改注金華但來教欵選刑名練達者而區々以季古之士應之是豈閣下之意耶雖然季古之士雖於事稍迂滯而世亦不可無是人也且居魯功名之心甚輕茲來惟視閣下為去就若閣下不以僕之言為偏好凡刑名案牘以至上司往來一為包覆使居魯朝夕隨侍後客視習以擴充其所未能則居魯得以安其位而僕愛居魯未尽之心後必有能竟之者不然則吾知居魯亦將不歲月引去矣伏惟閣下平日好賢樂善奚在僕多喋特因來教謹此奉復拜希區々方與照察不具

與魯府尹書

往歲辱附鄭公教墨每欲載荅詭筆竟惶愧而止蓋荐揚大臣雖非卑賤所能預而先生之材僕則知之素矣知而不能荐安得而不愧哉今先生積善自達於上下京兆之命蓋將設大用而先試以民事也僕等辱在知舊私竊為公道慶幸但京兆事則兼承弊壞之餘不無有廢詩棋清興然君子以拯救斯民為急則過門有不入者而暇適意他事哉僕備員於此夙夜自恐有負於公論有玷於知己先生何以教之且世之論材者率以隨時浮沉為通達而持法守正者祇為矯異以望風奔走為勤能而知命安分者斥為迂腐殊不知為上為德為下為民必竟迂腐矯異者能之而如此疏通勤能者未必能也蓋君子以其有本之季見諸作事不求隆赫步々自實地行去彼人者觀觀小能小智事未及行

而為名為利之心先之故望其恩惠逮下
也難矣僕欲進此未能惟先生為德為民
自重用光吾道下情無任拳々

與張時敏提學書

別久思仰喜承蒞鄙江右多勝憇々吾浙
久缺師儒領袖諸老慎為挾校擇人故持
推及閣下在他急近功以圖高位者視
之亦或不樂於心閣下諒不爾也僕年輩
交知者頗多自謂於閣下最深敢不為知
已盡言之蓋國家資材季校雖以文詞為
科第之階然欲養其光明正大之心興其
忠義廉介之節必季校習聞有以先之而
其機又顧上之人動作何如也勤之以奔
兢則奔兢勤之以恬靜則恬靜其嚴矣僕
今年春便道还鄉里竊見連邑季子攷々
斗廩奔兢或風學政士習一變於昔時是
豈世道使之然耶苟以賢否無別請託得
行故人各舍諸在己之所當求者而求諸

人爾故士習不壞可乎逝波滔々誰復障
之茲實有望於大公至正之君子也且君
予莫大於為國得材亦莫大於為國養才
養才而得用於數年之後仁之博利矣閭
下慎毋以一官專一事不足為也僕謬承
調于此日夜兢兢慎遺知己之羞亦惟有
以教焉幸々

定軒存稿卷之十六

讀通鑑續編

宋元符元年戊寅

章惇蔡卞請追廢宣仁聖烈皇后
帝不許

小人忍心至此宋之襄安待金人入汴而

後見手

宋宣和二年庚子

六月詔幕京致仕猶朝朔望

人爾故士習不壞可乎逝波滔々誰復障
之茲實有望於大公至正之君子也且君
予莫大於為國得材亦莫大於為國養才
養才而得用於數年之後仁之博利矣閭
下慎毋以一官專一事不足為也僕謬承
調于此日夜兢兢慎遺知己之羞亦惟有
以教焉幸々

定軒存稿卷之十六

讀通鑑續編

宋元符元年戊寅

章惇蔡卞請追廢宣仁聖烈皇后
帝不許

小人忍心至此宋之襄安待金人入汴而

後見手

宋宣和二年庚子

六月詔幕京致仕猶朝朔望

噫惟京無君故其子攸無父一子相繼專政宋焉得而不衰乎

宣和四年壬寅正月

金斜也陷遼中京及澤州遼主于鴛鴦灘余覩以金人襲之遂主殺其子晉王欽盧幹遂走雲中遺

玉策于桑乾河

噫遼以姦臣之言既殺賢妃又殺賢子國安得不速亡哉

宋靖康元年丙午

金粘沒喝入威勝軍隆德府遂次

于澤州

宋有勤王之師二十萬而不能合勢與金一戰以憚其心乃復謾拘其使以挑禍宋之宰臣誠孺子之謀也哉噫

孫傳使成忠即郭京選六甲正兵

以擧金人

嗚呼有兵十二万不能拒河以守區々哉

恃妖巫以捍敵宋之君臣誠鬼戲也

康王構開大元師府于相州遂帥

師入衛次于東平

書曰次于東平誠康王不能急救君父之難也

靖康二年丁未

安置監察御史張所于江州

高宗即位之初張所以忠謀見貶則其志之急於恢復奚待他日逐李綱沮宗澤而後知武憲為高宗者憤前代之恥正宜嘗膽卧薪急之用賢听謀圖所以恢復奉还二聖於舊京可也而乃蔽於群小使忠賢懷憤於可為之地以貶以逐以死此其復有建炎之難也

罷河東經制使司召副使傅亮还行在祈李綱乞避位不許

噫高宗罷一傅亮則李綱之言不用小人之惑已深中吳之業安得而不衰哉

李綱叢

疏斥忠賢吾多於紹世承平之主見之令
高宗忍於為此者蓋其衰懦之氣有以狃
於南幸也李綱方罷而金兵紹至噫觀於
此則君子小人之進退誠國家盛衰存亡
之所係也有國者可不慎哉

殺前太宰錄陳東布衣歐陽

嗚呼陳東可殺而李綱不可罷李綱可罷
而二聖不可棄也高宗死視其親之心一
至於此哉

宋建炎三年己酉

杜時亮如金師

覩宋人乞哀于金者如此固知其無能為
矣豈不適足以啓金人慢易之心哉

以張邵為金國軍前通間使金人

囚之

壯哉張邵之言也

建炎四年庚戌

呂頤浩免

高宗虛己納諫之言不發於李綱陳東而
於趙鼎發之意是非其因心橫慮而然蓋
綱東勸其進取鼎勸其退守樂便於己也
謂高宗果能用諫哉

張浚承制安置其都統制曲端于

万安軍

他日富平之敗曲端之驗矣

宋紹興元年辛亥

張浚殺左武大夫曲端

張浚既不能用端之言而取敗又惑於玠
庶之謬以非罪殺之果何以係人心於袁
亂之際哉

紹興二年壬子

育太祖後子僕之子伯琮于宮中
高宗能斷恩私選育太祖之後以為他日
宗社計庶幾太祖仁宗之盛德也

以朱勝非提舉醴泉觀象侍讀殿

給事中胡安國提筆仙都觀是夕
夢星見囂給事程璣等二十四人
宋之君臣不悟秦檜之姦故天出彗星以
警之而臺省言不及此俱坐檜黨去備武
他日力主和議謀殺岳飛以蕩廢中興將
成之業是夢出之驗也

秦檜免榜其罪于朝堂示不復用
秦檜故倚安國以自立故進退強與之俱
而安國惜未知其姦也頤浩雖以私憾去
檜其於公論得矣

紹興三年癸丑

九月呂頤浩免

呂頤浩有志與復中原乃以私售囂李綱
召張浚則誰與之共圖成功哉大臣之伎
刻若此而欲以一言破人君膠固之見也
難矣

紹興六年丙辰

以秦檜為行宮番守孟庾同番守

並參次尚書省樞密院事

紹興諸賢欲圖恢復而秦檜尚在左右則何望其成功哉

趙昇辭

凡大臣慮事固宜慎重然時宋人恢復報
售之志不可一日緩也唐州之勝蘓塘之
捷軍声大振趙昇不於此時與張浚同心
協謀乘勢進取以復中原之舊顧乃一言
不合即求退以圖已便惜乎事機既失卒
惑於小人和議而後已也

紹興七年丁巳

遇尊宣和皇后韋氏為皇太后

高宗知為親屬已講和而不知為親厲志
興復宋震能引唐建中故事遇尊皇太后
而不能引唐肅宗故事迎復太上皇噫宋
之君臣果可與有為哉

京湖宣撫使岳飛乞終喪制遂還
廬山張浚以張宗元監其軍

張浚能知飛於初而不能用飛於終乃竟以忠言獲怒使高宗寢閣之命遂至中沮他日鄭瓊叛呂祉死禍延於身以及於國思岳飛前日之言果何如哉嘗為大臣者誠不可徇一己之私以妨天下之公也

紹興十一年庚午

岳飛奉詔班師遂自郾城還鄂州
金復取頴昌淮寧府蔡鄭州飛因

辭不許

噫沮飛將成之功者秦檜用檜者高宗也高宗忍棄二帝母后於狼虎委歿代陵廟於榛莽則檜亦何所顧念哉此檜所以終於殺飛而高宗所以終於用檜也後之君子者當有辭於君子小人之際

紹興十一年辛酉

下万壽觀使岳飛于大理獄
賊檜欲殺岳飛以成其姦固其志也若張浚者特忌其功尙何為力謀誣構其獄豈

欵以收附檜以自立耶觀其首請以兵隸
御前可知矣噫金人之售宋人也得以報
也有能復一城殺一將則雪我一分之恥
豈以功出於人而非我心哉岳飛未盡恢
復中原迎回二帝猶為未尽其心而諸將
以功高忌之高宗信奸臣之言殺之則欵
以忠報國而反受害誰復以為忠哉

以何鑄僉書樞密院事充金國報
謝進誓表使

宋人忍偷一己之安而忘不共戴天之仇
至於奉表稱臣以奉賊貢則金人一藩方
之國爾豈可復興帝王之正統哉而史臣
終其世猶書正統者蓋不予宋人之臣且
欲扶中國以抑夷狄也噫若高宗之退懦
無為忘親事售尚足以為中國之君哉

紹興十二年壬戌

何鑄還自金

父母祖宗同一体也武王追王太王以及

先公高宗歎迎母及歸父之喪而忍棄其祖宗陵廟於殘賊之手君子謂其孝耶不孝耶使其力不可為則天下後世猶得以恕之吾於高宗不能為之辭矣

紹興十七年丁卯

八月清遠軍節度副使趙昇卒于吉陽軍

昇之死固為可惜然初不知檜盛稱其賢以致大用則昇不知人之罪亦有以自致其死也噫小人之禍其可畏也夫

紹興二十四年甲戌

春正月金肅裕讓反伏誅

金主亮殺君自立則其故臣有討賊之義
金主裕謀欲殺亮而書曰謀反者豈非以裕乃亮之連黨耶然裕固有罪亮亦不得以誅之其曰伏誅者金人共誅之也

以秦墳

前此未有二世同領史載而秦氏有之所

以益其檜之姦也

紹興二十六年丙子

冬十月復安置特進張浚于永州
秦檜既死而高宗猶不悟和議之非連以
直言脩邊備竄梁勛張浚于遠州蓋和議
雖成於檜實高宗之本心也讀者毋以檜
黨在位而輕高宗之責

宋隆興元年癸未

罷張浚判福州行次餘干卒

人君大有為者必多得正人志士為之
先後也孝宗即位之初獎用張浚弛圖恢
復是以將大有為也然秦檜小人之黨未
盡去左右安望其成功哉故首召还吳璘
則以史浩之言失地於閩陝終罷貶張浚
則以湯思退之言失計於江淮來終於偏
據已矣夫符離之敗雖張浚任將非人然
勝敗亦兵家之常也若果於有為者豈以
一挫而歛戢或謂孝宗使在靖康紹興之

間得諸將為之任用則興復可望吾恐其持志不堅則小人乘間而沮之者進矣故觀孝宗不於罷斥張浚而於召還吳璘之時已知其不果於有為矣噫天下之勢閩陝為上江淮次之豈有棄閩陝而可有為於天下者哉

十一月如楚州魏勝及金徒單克寧戰于淮陽敗績死之

魏勝以中原一故民起義海州忠義之心激之也然其志勇天成挺然為淮海之敵惜乎阻於劉宝一言終以身戰窮而死彼宋之君臣顧望中原縮棲陵廟獨無忠義之心哉苟能以義倡之於上則如勝者雲從蜂聚不患於無謀臣勇將為之也用噫宋之終始和議禍之也復有咎哉

湯思退有罪免

宋之小人如章惇如蔡京如秦檜湯思退者皆姦謀誤國之尤宜顯遭誅戮以為天

下後世之快是也今或以善終或以竄死
天理果何在哉蓋世無明君故小人得以
售其姦而容其身也噫

以錢端禮僉書樞密院事虞允文
同僉書院事

錢端禮曲附恩退誣詆張浚以成和議之
非亦誤國之罪人也今不與恩退同免而
反陞樞府孝宗何以示刑罰之公哉此無
他內戚之私有以蔽之也

隆興五年己丑

秋七月曾覲入見復以為浙東總
官

曾覲一姦邪奴隸爾孝宗雖以公論不得
已出之于外而拳拳念不舍卒至於召
入顙用其視金世宗之憂痛察通異矣由
其用人之得失審二君之賢否此孝宗所
以難有志恢復而終不得勝金也欵

隆興六年庚寅

五月陳俊卿罷

孝宗興復之志固不可一日而忘然作事
有機失則必有漸未有不內脩而可以
外攘者也孝宗不於張浚視師淮上之日
乘機以陵寢為事鼓衆兵師用圖恢復令
和議既成人心懈怠久矣乃遽遣使祈請
陵寢吾不知請之不得則以何者為後圖
也於此之時善為國計者正宜脩德立政
和輯境內因而節財儲用利兵養士選用
賢將布列要害視吾有可為之機乘之布
告中外声其罪而致討焉則金國雖強而
吾先事之筭有奪人之氣矣

閏月以范成大為金國祈請使

臺灣國家圖書館 NATIONAL CENTRAL LIBRARY, TAIWAN, ROC
南軒之奏是矣但欲先絕其使而後脩其
在我者則恐有未善蓋斯言當於隆興發
之乾道以後和議已成我未有備而遽顯
絕其使是速兵於敵也尚何於內脩哉

隆興七年辛卯

二月金葬欽宗于洛之原
書金葬欽宗則宋之臣子能快然自立於
天地之間哉

隆興八年壬辰

姚憲如金

在我者既不觴自強而又不甘受屈於人
此齊景公所以涕泣於吳也宋人不聞遣
一將出境而去使牒以更禮為請其君
臣不涕泣也哉希矣

復以張說僉書樞密院事罷侍御
史李衡右正言王希呂直學士院
周必大給事中莫濟

孝宗歷觀前代用小人之禍豈必有警於
心也今觀其在位前後所用之人姦邪誤
正者多矣然一用之則裁抑衆論之公去
之如拔山之難豈孝宗之志有不及哉蓋
善窺人主而乘間以迷誤其心者小人也
人主不能办之於早斥而遠之其既用不

至於迷誤者鮮矣

罷虞允文為四川宣撫使

孝宗選諫官舍允文而用曾覲之荐其厭
用正言也可知矣何足與終有為哉允文
之去是也

宋淳熙三年丙申

夏四月金主命京府設李養士
史載金世宗之言發皆中理非特其天資
之高而李問之功不可誣也但身為天下
主而曰資用有餘可周親戚則意未廣尔
如世宗者當興古之賢君並名豈可以夷
狄視之哉

召朱熹為秘書郎不至

孝宗有張栻朱熹之賢而不能知之真用
之決況他諸賢哉其視金世宗汲汲用賢
似有間矣此無他小人之黨勝也

淳熙四年丁酉

夏六月龔茂良罷

孝宗果有志恢復舍賢才何以為務今如
茂良不賣則已果賢也而云卿去俟議恢
復尋來恢復果如是耶茂良為首參不軼
以恢復之計朝夕勸其君及去方以六事
上之雖無心於要君其取君之怒亦有以
也

淳熙五年戊戌

春正月侍御史謝廓然乞戒有司
母以程頤王安石之說取士從之
人君欲有為者必先務講孝明道以謹人
心之趨向趨向既正則風俗必美風俗既
美則賢否明白則朝廷奉勳皆
當而可以有為也今以廓然之言並禁程
頤王安石之子二子之子一正一邪將有
亦也邪正不办人心將何所趨向哉於此
吾知孝宗雖曰有志而亦無能為也已

淳熙七年庚子

冬十二月以朱熹提舉江西常平

朱熹公事

朱熹之言深切孝宗之病使能因是疏去其左右如熹所指者然後顯用熹于朝則天下賢才類進而前後左右莫非正人君子矣雖曰世宗非弱敵声吾義而道之何所為而不可哉噫惜乎用之不以其誠而小人以謾絕進矣

淳熙八年辛丑

十二月下朱熹社倉法于諸路

令之預備倉即朱子社倉之遺法也然有司往往不得其人致里甲實報虛支而貧戶飢歲粟不逮於家豐年名受徵於官又或歛散無時好惡失驗卒及於倉廩空虛緩急難濟朝廷良法美意果何在哉吾謂

賢守令有志於愛民者必首加意于此量境內貧下之戶而儲蓄之兼用平糶之法收豐年之有餘補凶年之不足一散一歛仁智周焉庶乎可也於此不加意而称愛

民者皆苟而已烏可謂之賢哉

淳熙十年癸卯

夏六月陳賈請禁偽孝

朱熹一人也王淮始荐其贤而终歎其偽
豈淮前後異其見耶蓋淮始以楊万里之
言而荐熹其荐之者非好賢之誠心故終
以唐仲友之故而歎熹其歎之者所以遂
徇己之私情也史稱淮尽心事上其所尽
心果何事哉吾不但為淮惜孝宗之賢
而道孝不明于世也

九月金詔經史子書成命頒行之
我朝祖宗深知吏者之弊示法以吏出自
者雖有顯能不擢任州縣正官迨令守之
不易彼世宗何人能先得其心于数百載
之上哉

淳熙十二年乙巳

金主以其孫原王麻達爲判大興

尹

金主任實之言雖以不改舊俗而發其亦
有得於聖賢言誠之遺意也讀者毋以夷
狄而廢其言

淳熙十三年丙午

夏五月金以原王麻達曷為右丞
相賜名環

治天下之先務莫急於求賢金世宗之求
諸群臣者不但為今日慮且為後世子孫
慮其可謂善於貽謀者也

宋紹興五年甲寅

五月壽皇聖帝疾大漸群臣請帝
間疾重華宮不從

光宗制於一婦人而虧父子天性之至親
雖群臣犯顏切諫頑然不顧此其天理人
心斷喪盡矣尚何以為天下之主哉宋不
至於亡者特以孝宗尚在而二十餘年經
來懷集之恩有以繫之也噫

太皇太后垂簾听政以帝有疾詔

皇子嘉王擴威服即皇帝位于重
華宮尊帝為太上皇帝皇后為壽
仁太上皇后

趙以愚處光宗人倫之變而能以一身周
旋其間反危為安誠可謂社稷之臣也吾
但惜其不能興留正於孝宗未達豫之先
力請兩宮早建儲嗣以防未然乃至事勢
倉惶引小人參預大計而貽後日無窮之
禍也况孝后不孝雖別有端亦以請太子
於孝宗不許而憾也時為大臣者能先
委曲調護開陳請立太子則兩宮之隙庶
或可解不幸而復有此則太子可以主喪
可以監國而今日人心豈得倉惶以處变
危胄豈得恃功以貢禍哉噫

定軒存稿卷之十六

臺灣國家圖書館, NATIONAL CENTRAL LIBRARY, TAIWAN. R.O.C.

定軒存稿卷之十七附錄

維弘治五年歲次壬子三月壬未朔十有五日乙酉

西

皇帝遣布政使司左參議方全

諭祭南京工部右侍郎黃孔昭

曰維爾發軔賢科擢官部屬歷陞通政進佐冬卿
持身著廉慎之称處事播勤能之声誉月滋久勞
勸為多正任用之方隆胡遽然長逝爰申恤典賜

官營葬尔灵不昧尚克歆承

臺灣國家圖書館, NATIONAL CENTRAL LIBRARY, TAIWAN. R.O.C.

維弘治四年歲次辛亥十月甲辰朔越十有五日

太子太保吏部尚書王恕

左侍郎張悅

右侍郎周經

戶部尚書葉淇

左侍郎吳原

禮部尚書耿裕

左侍郎張鼎

兵部尚書馬文升

右侍郎費閻

左侍郎呂璡

右侍郎張璡

刑部尚書彭昱

左侍郎張海

右侍郎戴詧

工部尚書陳珊

左侍郎賈俊

太子太保吏部尚書王恕

左侍郎張悅

臺灣國家圖書館, NATIONAL CENTRAL LIBRARY, TAIWAN, R.O.C.

右

右

郎徐

貫

都察院

右都御史白

昂

右副都御史

翟瑄

瑄

通政使司掌司事

部右侍郎謝宇

通政使元

守直

左通政王

傳

左叅議杜

明

右叅議王

珩

大

理

寺

韓

鼎

少卿署勲

馮

貫

少卿顧佐

屠

勲

少卿陳喬

陳

喬

右寺丞王嵩

王

嵩

謹遠寓絮酒之奠致祭于

南京工部右侍郎黃公之灵曰維行匪矯維才匪迂

當今人物公局可無初任屯田厥声藉々尋迁

選部與聞黜陁衆方超捷公獨滯淹靜退之節
於此其占久之論定銀臺斯拜進少師空翻其
南迈方期驛召方期柄用何期一疾而遽告終秋
高江寒有子扶柩寄此危辭以為侑嗚呼哀哉尚
饗

維弘治四年歲次辛亥七月乙亥朔越二十三日
丁酉

南京吏部尚書黃綏
兵部尚書張鑑

刑部尚書鄭時

吏部左侍郎童軒

戶部左侍郎侯贊

禮部左侍郎徐瓊

刑部右侍郎徐懷

都察院左副都御史侶鐘

左僉都御史王軾

大理寺卿章格

少卿詹勲

通政使司通政鄭紀

強珍

參議張貢

太常寺少卿陳音

光祿寺少卿錢鉞

火卿陳壽

鳴爐寺丞張達

寺丞李清

尚寶司卿黃鉞

鑒

司丞劉稱

吏科等科給事中邵誠

羅鑒

李岱

倪天民

馬子聰

毛珵

楊廉

崇

應天府府尹秦崇

臺灣國家圖書館 NATIONAL CENTRAL LIBRARY, TAIWAN, R.O.C.

府丞 眞綺

謹以牲醴之奠致祭于

故南京工部右侍郎黃公之灵曰惟公之先黃岩故族天之生公因材而篤少游泮林早登科第爰列清班荐躋要地人謂銓衡利拳素籥公居平載門可羅雀人謂邦土布泉敷淵公將焉考橐如整懸先公取方褒親莫及公拜

龍章三世同秩先公所事僅容旋馬公官西京不添一瓦公僅一子其溫如玉十年甲科丙官部屬公

之諸孫岌岌：重闈百歲紹此衷箕嗚呼負方相涵萬化參錯理先虧氣有厚薄公於報

國甚周謀多缺奉先榮顯安居陋劣唯誨兒孫既賢且哲是公於理之所有理者強探力求分之所限者戒盈守拙蓋公之所能者人所不能者天然皇恩諭祭顥官卜阡百世之下永貢重泉於乎生榮死哀裕後光前人或不能取其一而公獨享其全是乃天人相与之妙夫豈偶然邪夫豈偶然邪於是哀哉尚

饗

維弘治四年歲次辛亥七月乙亥朔越二十日甲午

江西道監察御史王鑑之

南京都察院經歷王純

湖廣等道監察御史朱惠

項經莫益之馬輿

王貂王存忠周津

馬炳然王塘馬晃

吏部司務黃用

吏部等部文巽等司郎中杜整

孫珩夏崇文儲曜

馮偉陳效王定安

姚昺包昇鄭璫

聞人珇華山孫衍

王玘張瓊喻宗府

余絢王機沈林

貟外郎唐瑢

臺灣國家圖書館 NATIONAL CENTRAL LIBRARY, TAIWAN, R.O.C.

張佐 沈華 彭甫
宋嫵 杜桓 周信
主事 湯珍

劉勲 王鳩儒 劉鎮
范輪 錢灝 陳欽
姚璽 舒玠 盛雲
林綱 張贊 蔣顥

翰林院檢討方謨

通政司經歴張昺
應天府通判范昌鑾
太醫院判孫泰

謹以牲帛之儀致祭于

故南京工部右侍郎黃公之靈曰嗚呼先生行高乎
當世尤閭然日修學闡乎古人惟歛然自視殆
將勝重而遠到尤蹈乎士之弘毅早甲俊科九
載銓署載陟銀臺擢冬官貳稔三紀之歟歷肆
玉絜而水厲方擬參韓范之光明登富歐之後

偉翊贊

皇敵康濟斯世雖吾人之仰私实天下之公議也天奪
斯人而不永世不克厥成乃嗇其施是果吾道
之不幸耶生民之不辰耶抑修短有數而造物
者莫之為邪彼蒼不言徒切長喟輶車載灵道
出江澨欲引繩而未能致永別於斯際嗚呼尚
饗

維弘治四年歲次辛亥七月乙亥朔越二十五日

己亥

南京工部郎中安康

施恕

夏英

員外郎葉應

司馬垚

段續

顧涇

主事崔里

王鐸

臺灣國家圖書館, NATIONAL CENTRAL LIBRARY, TAIWAN, R.O.C.

劉浩

謹以柔毛附鬢庶羞清酌之奠致祭于

通議大夫南京工部右侍郎定軒黃公之柩曰嗚呼生順死安在公無憾老成云亡咸為公傷論之德即公之矣

靈鬼之前歷可指悉嗚呼事君敬事人臣之戒初公之在曹不為利誘不為威屈殿聲四馳猶自翼其歿盡矣報

國以士古人之忠泊公之迂選部簡修進良風夜在公修齊振滌賢智奮庸其忠至矣由選部而擢用銀臺奮目以隆由銀臺而復卿冬官功益以豐此公之可以无憾而考終竊又思之公之壽已逾六旬公之位已貳六卿公之子顥、昂、公之孫詵、振、此皆人所深願而不可必得公無有之又復奚憾而奚嘆但徵之詩曰樂只君子胡不萬年公久於世斯厭人心嗚呼自公來部百度惟貞衣冠言動規矩準繩其於世也不涼不炎其於事也不忘不愆遇群下寬不見其縱威不見其猛

待寮屬過則為之箴規則為之勸勉為

上為德為下為民知人善任鑑空衡平所謂樂只君子舍公奚勝使天假公以期順

朝廷憂公以傳師公必贊襄敷貢大有厥施夫何奇老成人天不憇芳六十有三竟云長之此兒童走卒亦知傷感於市衢而縉紳士夫莫不走哭於灵輶豈惟吾徒多涕而多悲也尚

饗

維弘治四年歲次辛亥六月丙午朔越二十有四

日己巳南京國子祭酒謝鐸謹以清酌庶羞之奠致祭于亡友工部侍郎定軒黃公之靈曰惟灵工曹發迹處躅以清銓司載長矯枉以平衆謫而

陪公奮以明乃佐銀臺乃貳冬卿

帝心簡在物論匪輕謂公鈞軸其自此升謝病十年我
我实自弃汲引倦：公不我置天假南都見如隔
世握手平生我肝我肺歲赤一周我病繼至再疏
乞骸公曰母邊三亭風月我其共登子盍我留山
乎有灵詩以贈我言猶在爾耳不還我行而哭公

死念昔交游曾幾如公；今已矣我將曷從。
惟公有子公目可瞑我老無明我心歟：哭公以
奠淚与酒滋公神不死知乎不知嗚呼哀哉嗚呼

痛哉尚

饗

維弘治四年歲次辛亥九月甲戌朔越六日己卯
卿生翰林院檢討應寃
吳府伴讀范冕
刑部主事施榮

工部員外郎陳綺
科右給事中龐泮
禮部郎中金福

工部主事鄭文櫞
兵部郎中戴豪
行人司行人王玉

謹以庶羞清酌致祭于

南京工部右侍郎定軒先生黃公之靈曰嗚呼先生
遷於斯耶特圓清予致之故人莫測其机邪特福

善禍淫之理感实其施邪抑善匪宜佑而惡实所
毗邪或吉福不可違而殃咎易以罹邪豈天道不
可憑而鬼責得呂移邪不然何降割斯文之酷而
先生遽止於斯邪嗚呼先生有光明正大之心而
持之以虛有精詣卓絕之才而處之若無有剛勁
不可屈之節而居之若懦有河海不可禦之辨而
守之若愚乃若孝弟絕倫而視之如弗及恬淡寡
慾而慎之不少怠尽忠以事

君而羞為詭隨秉義以飭躬而耻為狷介是皆古君子
之所難而先生猶歎然不自大矧乎光明前訓固
無忝於繼述而啓迪後人又克紹乎芳躅蓋所積
之既厚而取之必足所立之既高而求之必得是
故列位銓曹則黜陟百官輿論攸宜聘考礼闈則
進退多士悉中規矩及乎進取嘆古則出納
王命而奸宄盡驅再登司空則蒼重南畿而中工咸熙
上方側席而召用卒亦注目其敷施為廊廟之柱石為
邦家之脊龜何此望之唯必竟一疾而長歸

當寧為之慨嘆卿相為之欽歎斯文為之失色吾鄙為

之驚呼冤等無侶屬在鄉閭拳接引情義與俱
翹首旅襯返自南都執绋罔能寸心毒痛緘併一
奠此誠之孚弗謂永訣幽明異途嗚呼哀哉尚

饗

維弘治四年歲次辛亥七月乙亥朔越廿又八日
壬寅南京吏科給事中姻生邵誠謹以清酌庶羞
致祭于

少司空定軒黃先生柩前而哭以詞曰嗚乎位不
滿夫德才未竟厥施彼蒼者天誰能窮之昔公自
工曹而遷於選部也人皆以甄別為難公猶輸
般之蓮夫規矩梗楠榆梓渠棟桷不私以枉惟
材之宜自銀臺而貳於冬卿也人皆以啟劖為嫌
公猶王良之御于康衢不緩以弛不疾而馳百辟
具率蠹政以釐於乎此公之用粗見其緒餘者也
公之久畱南都而未召也人皆冀公之北歸而薦
火宰而未用也人皆惜公之遲々孰謂公無意於
斯世也一疾不起徒使士夫之哭悲誠也菲才雄
辱公知相從西京十年於茲前月之半公嬰微疾

意謂暑熱之非常偶爭燠於起居遣人走問告公
已老亟馳驅以往視則公目已瞑而不可為矣於
乎公止於斯邪仁者不必壽善者不必福斯理差
岸局從而推邪於乎龍江之舟越嶠之輿靈輒告
返母族飛々薄陳我籩薄絮我色臨棺一奠涕泗
漣而蓋直為天下痛豈特吾區々之私尚

饗

維弘治四年歲在辛亥九月甲戌朔越八日辛巳
表姪蔡餘慶裔沐頓首寓瓣香尺帛之奠馳告于
姑丈定軒先生黃公之灵曰嗚呼維公之存士類
倚賴鄉之典刑國之耆榮惟公之亡士類銜哀世
道所係木壞山頽繫惟我公表々奇偉弗矯以夸
弗隨以詭行副其言心稱其貌顧余小子敢阿所
好餘慶念自幼駢荷公不鄙接引惓々過情之許
逮偕計來拜公床下奉酒尽歡張灯叙話尋試南
宮偶叨一第方圖依仰公遷南去萍聚星分金陵
千里書尺往還動數十紙公年未衰榮衛如昔冀

將

召用再奉顏色夫何秋初來音不祥忽驚且疑失声

彷徨未歿之前不聞遺疾溘爾朝霧何乃倉卒於

乎公之令德胡不眉壽天冥為之人也何咎公之

盛名胡止於斯礼示之畏百年待誰論薦文章物

望攸屬冢宰之廷秉方注目今則已矣吾誰與歸

竊亦自悼門祚滋微於乎公言在耳服膺敢忘公

書在篋如見美墻我思我公九原不作南望長號

臨風淚落我拜我公高山仰止文獻猶存不亡者

此登堂抚摸鮑係無因哀情覩縷言不能文嗚

呼尚

饗

臺灣國家圖書館, NATIONAL CENTRAL LIBRARY, TAIWAN R.O.C.

維弘治五年歲次壬子九月己巳朔越六日甲戌

吏部郎中周木 王佐

貢欽 孫交

司務 黃鴻 訾綱

員外郎黃金 劉宗儒

黃寶

喬宇

主事蔡清

南鑑

劉約

楊旦

劉永

鄭軌

謹以清酌庶品之儀致祭于

南京工部少司空黃公之靈曰孰不居官碌碌歲年
以忠報國惟公則然孰不為人名無稱焉奉今之
世謂公實賢子載為郎白髮在顛乃貳冬卿南曹

是廷秉政自此所享庶宣留相

天子人望寔懸云胡一疾遽歸其全縉紳之殃欲扣於
天吾儕聞訃有淚如泉老成彫謝博風不還吾儕
之痛豈曰私隣言有可尽情有可傳曷瀉我哀杯
酒是蠲致奠于位

靈其來旋尚

饗

維弘治六年歲次癸丑五月甲子朔越十又三日
丙子應天府府尹樊莹謹以清酌庶羞之奠致祭

于

故通議大夫南京工部右侍郎黃公之灵曰惟公純
篤孝行經濟才識暨官顯要言望赫奕滿期壽考
未享遐秩夫何一夢光陰遽歿蘠忝同年才本博
極荷公推薦繆膺憲取寸情未展徒增感激薄具
菲儀用表追憶伏惟尚

饗

維弘治五年歲次壬子六月庚子朔越十有二日
辛亥浙江等處承宣布政使司右叅政林同謹以
牲醴庶羞之儀致告于

通議大夫南京工部右侍郎黃公之靈曰惟公天
質粹美川岳鍾羨早魁浙士敷對

大廷筮仕也部院司銓衡才器超邁藻鑑明精

宸衷簡在晉擢貳卿水築愈勵嘉績用成方期大拜
霖雨蒼生詎云一疾遂隔幽明有子繼志卽署輦
聲有孫競秀蘭玉滿庭裕後光前存順沒寧予
也忝聯榜末道誼敦盟知我愛我異姓弟兄嗟公
已矣傷悼曷勝山木蒼蒼水冷敬酌一觴深
泗沾纓灵爽不昧亮我寸誠尚

饗

維弘治四年歲次辛亥七月一日乙
亥直隸寧國府知府鄉生范吉謹以
時羞之奠敬告于

近故工部右侍郎黃先生之靈曰嗚
呼先生以古李登科第以古道立功
名而凡所以承先哲引後進者一皆
古君子之所為天下士夫莫不以古
大臣事業望之而位之所至壽之所
享竟止於此於乎哀哉豈古之人亦
有然者與天实為之謂之何哉生以
世交受知愛為最深且厚聞訃音之
東來何啻如父兄之傷痛敬奠一觴
伏惟鑒止尚

饗

維弘治四年歲次辛亥九月甲戌朔
越廿有一日甲午葬家生王弼謹具
辦香遣男培祭奠于

故少司空定齊黃公之靈於乎我公
宏博之才重厚之器介而能通和而
有制初登甲科筮仕冬官矻然砥柱
障彼狂瀾有奸乘之納公於弃誰克
勝之曰惟天定公奮益起尋陟銓司
持衡十載士類同推屈指公前其人
可識維公之後蓋吾目擊有操有權
孰与公同自公去此人益思公銀臺
之擢膚養清望天下期公实卿与相
晚佐司空自北而南大任雖階人論
未厭况弼於公通家之契愛之報之
有恩有義當公南行我猶官北執袂
于郊灑淚畱臆孰謂此別遽隔幽明
俯仰宇宙闊；吾生初有鄉人過甫
來謁為報公訃在秋七月考之家信
實當此時胡不及此欵慟而疑意公
仁者必享有壽鄉人之云或傳之繆
既又逾月乃得真傳北望長號有淚

送天於乎公在鄉閭如璫如勣一語
一嘿後生作式公在天下如危如歎
一進一退四海戚休公遽已矣天乎
何極位不滿才壽不滿德欲拜公櫬
山遙水重緘詞寄奠席表哀衷於乎
我哭我公非公非我哭以一鄉哭以
天下尚

饗

維弘治四年歲次辛亥十二月癸卯

朔越八日庚戌休寧儒學訓導從子
倫謹命弟僕以剛鬚柔毛之尊致祭

于

工部右侍郎通議大夫顯四叔父之
靈而侑以辭曰嗚呼以一人之身而
係天下之望忠蓋之心老而益壯平
生大節表之在人臣事

三朝一臂千鈞持衡選部薦引实多十
年不調其故謂何銀臺司空老始能

至忠誠動天權倖避地冢宰之待公
論攸歸堂々碩輔天不憇遺嗚呼亦
已焉哉吾不復見伊周之治也顧瞻
林竹徒滴肝腸之淚也移孝為忠於
事則然以忠原孝其道則全官

封王父德及嗣人倫雖不肖亦在甄陶
君官三紀僅四相見至教在耳流光
如電祗意歸老追隨杖屨咏月吟風
以陶天趣孰謂叔父遷仙遊而莫予
顧也歛不望棺葬不臨穴官守有制
心焉摧折死生哀榮世復能幾企仰
前修盛美唯趾引領北風痛苦何極
寓文告哀音容莫即於乎哀哉伏惟

尚 馨

維弘治五年歲在壬子八月己亥朔
越三日辛丑

工 部 司 務 殿 金

羅 邇

郎 中 趙 年

劉 縉

李 軺

員 外 郎 蔡 元 美

余 璞

主 事 楊 守 阖

朱 稷 倪 阜

馮 變 劉 昂

張 約 蕭 肆

王 繡 彭 澤

汪 儕 王 惠

李 性 明

謹以牲醴庶羞之奠祭致于

亞司空黃公定軒先生之靈嗚呼天
之生賢將以為

國也而公之碩德足以柱石邦家而位
未于極也天之生才將以爲民也而
公之蘊素足以澤潤生民而志未大
信也方其掌選文部也莫不望其總
銓曹以昭公道既而有銀臺之選及
其貳卿南都也又復冀其進樞要以
崇士望夫何有奠楹之符遂使
朝廷之所倚重僚友無所裨益生民無
所仰戴後季無所矜式在君子無與
爲伍於小人又自以爲志得嗚呼是
誠上天無意於斯世也不然胡爲畀
之者厚而福之者若未耶澄等忝与
令手誼在同寅山斗瞻依積有歲月
柰何有此心而未遂此願也哀號於
聞訃之初致奠於仰德之後神其不
昧鑒此非誠鳴呼哀哉尚

饗

先考定軒府君行狀

先君諱曜字孔昭後以字行更字世顯姓黃氏號定軒又號洞山迂叟始祖昭武鎮都監緒避五季之亂自閩徙居台黃岩之洞山世敦儒術為邑大家人因稱之曰洞黃曾大父諱與莊鄉稱為長者大父諱礼遐字尚斌號松塢性剛介好讀書尤邃於史其心術之無愧於古人者子孫仰之終身不能及父諱瑜字彥俊以正統丙辰進士擢兵部職方主事德行政事名動一時先君生而端確明敏自少讀書輒以古人自期年十四母夫人金氏歿於京扶櫬南還既葬北上中道而賦方府君之訃至矣復匍匐歸葬哀毀骨立撫其弟妹益篤雖一茶一菓必與之俱服闋執友建寧守賀公汝卒為松溪訓導有沮之者弗果

就因而嘆曰求人曷若求已吾出身自有正路奚用此歸葺一小樓環列經書以古人閉戶懸髮為則澄神凝思至食不知味寤不安枕者累月既而補邑庠生遂移居邑之西嶽廟旁以便肄業雖貧乏窘促處之晏然而為李學益力如是不一年遂以詩經領景泰丙子鄉薦庚辰登進士第尋以例漏闈間有以賄來干者堅却之一無

所取初授工部屯田主事郎中李姓者行檢不修政日以弛衆謂之濁曹先君疾之每形憊嘆反為其所擗賴公道得白而声譽亦因以起尋署事不數月宿弊頓革人皆目之曰黃青

天時

慈懿皇太后崩將易擯宮先君憤其事亟草疏將上既而中寢遂止尋陞都水員外郎有江南催造段疋之命雖鄉

人仕其地者以尺帛來饋亦悉却之而不受未及回調吏部文選歷郎中先後十有五年始終一節曰國家之用才猶富家之積粟：積於豐年乃可以濟飢才用於平時乃可以備患又曰形端則影正源潔則流清銓司天下人才之根本吾今既居此位豈可負厥初心哉况天下至大人才至多苟或矯激以閉門不納為高何以周知天下之人才每公至客退必延坐細詢其風俗美惡政治煩簡官吏得失道路遠近因之以察其人之賢否與其所言之誠偽一事之善一政之得必書于冊置諸箧笥以便檢閱有所選舉則量其才隨其地叅之輿論而薦用之嘗曰一人之不戢一方之害也雖雜職小官吾亦安敢忽哉所薦之人或知而來謝者則曰上有

朝廷下有冢宰吾安能為間有干求要
結上人欲用之者先君抗言力諫或
致大怒推几擲硯亦震之自若不為
撓後雖終不能不用然亦往々自敗
反累上之人衆始服先君之明而上
之人亦自悔焉嘗為會試同考官有
勢要子弟持百金暮夜來謁先君峻
拒之然亦終不言其人九年滿考始
陞通政使司右通政提督武職錄黃
又五年陞南京工部右侍郎行間有
居一所當貿易葺舊益新費用浩大
比初市日氣象壯麗直可倍十之二
三人或勸增取其償先君怫然曰吾
聞年尚書賣馬不多取人價此事吾
常欲法之未能今吾既處此地位豈
可為此昧心事哉後所居竟取原值
並不敢假多分文南京與作浩繁錢
課空乏先是嘗假私錢為公用所逋

動萬餘計先君百方措置務在節儉
以償其逋所轄有提舉等衙門空閑
地場十餘處類為豪強貪墨所侵先
君察知其弊奏復之以充公用部署
以灾毀先君撤舊昇新煥然甲於諸
部而民不知擾大臣以例得舉官先
君以樊瑩章懋薦衆皆稱為得人大
抵先君居官清慎視公事如家事不
避難險不畏權勢久可以益國利民
者見之必為之之心盡其心內性剛
明果決外體溫厚篤實身修而兒古
威嚴而儀飭存心正大坦易忠厚無
纖芥殘忍刻薄器量宏深不以人觸
已而怒接已而喜或有橫逆之加亦
憂之泰然不為之較但點頭而已平
生無矯言詐行凡所奉勸誠有無不
可對人言者居家自幼至老不為華
飾雖位至三品衣服飲食恒如貧時

其待僕隸蒼頭雖臨之以威必撫之
以恩時有小過宥而弗問雖童僕亦
懷恩畏威不惟不敢欺而亦不忍欺
教子一以孝弟忠信禮義廉耻為本
常曰吾得至今日者皆吾曾大父暨
大父吾父嗚謫所致汝為子孫者當
念之勉之培此心地以為子孫長久
之計又曰吾父為官一生清苦不受
分毫無義財惟以詩書遺我教我故
我謹守家法自幼奉仕並不敢有一毫玷辱為吾兒者亦當以此相傳
而自勉故甫得掇科第者皆先君教
誨之功也其慶族兄弟情意洽深禮
義萬至母第遷居新邑舊居值百餘
金命悉予之念女弟貧乏其子金鍊
至亟取俸金六十餘兩遺之以養其
母嘗欲立義塾于洞黃擇子弟之賢
者為之師以教宗族歲出束修為之

兆親戚故舊有患難疾苦來告者必
盡心力扶植之曰彼來以吾在故也
事之務為周旋使得其歡心無一毛
憇煩意人德之者萬口一絳讀書不
事章句嘗以聖賢為法以不及古人
為耻聞天下有名書古典必欲得之
雖多費不吝拙訥葉先生鄉里前輩
古道君子也先人特為請于邑大夫
俾祀鄉賢祠又孝孺方先生死于難
禁不許藏先生片紙隻字先君自幼
慕其為人廣詢博訪求其文章得一
字如宝珠玉積累成集且自序其後
特為致書寧海尹郭俾刻板行世又
書致提學胡公尋其子孫充邑庠生
且竭力為復祠堂并田俾世奉厥祀
焉暇更輯鄉里前輩詩文為赤城論
諫錄并赤城詩集刊行之公退手不
釋卷自所作詩文有定軒集若干卷

藏于家先君生於宣德戊申十二月
二十二日卒於弘治四年六月十七
日享年六十有四配琳人蔡氏巴東
知縣恩之女子男三長傳即不肖孤
次徒次佐皆失孫男五欽紹鐸鐸欽
綰欽約欽絳不肖孤忝官北部承差
荆襄公幹順道首視見先君體魄豐
偉比昔有加竊喜後福無量不幸遘
疾二日忽爾奄世於乎哀哉於乎痛
哉茲奉柩南歸預卜曆月十有八日
葬于委羽山之陽深懼盛德未闡無
以明示來世仰天怨號無所扣訴然
斯事至大非托之立言君子莫能傳
遠不肖孤無狀既托為通家子侄又
玷子弟之列是則不避誅責忍痛含
哀叩誠頓願上請伏惟

夫子哀亡憫存而賜之鉶不惟不肖
孤感激不忘先君亦感德於地下不

朽矣謹狀

弘治四年七月望日男正甫泣血百拜狀

明南京工部右侍郎黃公墓誌銘
賜進士朝列大夫南京國子祭酒前翰
林侍講兼修

國史 經筵官致仕邑人謝鐸撰
賜進士奉議大夫左春坊左庶子兼翰
林院侍講李士同修

國史 經筵官長沙李東陽撰蓋
賜進士通議大夫南京刑部右侍郎叢

陵徐懷書

弘治辛亥夏六月十有七日南京工
部右侍郎黃公卒公得疾甚暴予亟
往視至中途公訃已至於乎痛哉先
是予蒙

恩休致公悵然不樂且期太常陳先生師
召邀予偏游南都諸名山以別蓋予
自謝病來與公別者餘十年乃今始
得一會詎意公方恨予之別而予遽
以哭公也哉公卒之明日予既三往
三哭之乃與其子工部主事俌商葬
事遂謀所以銘公之墓不得以不能
辭嗚呼公其止是哉公諱曜字孔昭
後以字行更字世顯別號定軒姓黃
氏其先昭武鎮都監緒避五代之亂
始居黃岩之洞山今分屬太平公
始以其地隘不能容乃再遷舊邑之
西而定居焉曾祖與莊不仕鄉称長
者祖諱礼遐號松塢性狷介鄉人服

其行義無異詞以公貴贈南京工部
右侍郎父謙參俊以正統丙辰進士
擢兵部貳方主事其操其才人猶至
今稱之累贈右通政南京工部右侍
郎母金氏累贈淑人公自少穎拔屹
然如成人未弱冠取方公即世扶伏
歸葬撫其弟妹益篤初以明經卒不
合乃退而為縣李生刻苦問李公辱
与予友予少且芳日追之日見其不
可及未幾領丙子鄉薦登庚辰進士
第擢工部屯田主事屯田時號濁曹
公稍持以正顧為其僚所怨嗾惡吏
誣毀之公雖不之較然彼竟坐是落
職而公之言亦因以起尋迁都水員
外郎調吏部文選歷郎中在貳守法
據例不示恩不賣直凡所奉指不獨
人莫之敢干雖上之人亦或以公為
幹為而若有所憚每公退輒過予望

而見其喜則知賢者之進見其憂則
知小人不得退如是者蓋十有五年
終始一節不以變後先在文選者率
驟迁輒敗至或并累其上之人為天
下笑公循々滿考始擢右通政又五
載乃迄今戢公既去吏部久人益思
之大家宰王公丙以公名與今亞鄉
彭公鳳儀張公時敏薦不果得然復
論在人羨々未已要皆以鈞衡望公
也於乎詎其謂公而邊止是哉公生
宣德戊申迄今享年六十有四而已
配蔡州人巴東知縣思之女子男三
長即甫次僅嘗聘予女俱夭佐亦夭
孫男五紹繹結約紓甫以辛丑進士
拜今官実克肖公吾台父子祖孫相
繼登進士第者亦惟公而已公讀書
不事章句徃々能窮前人所未至精
思之餘下筆沛然而尤長於詩嘗与

予叔父王成山人慨詩道中絕將力
振之有定軒集若干卷藏于家公性
恬靜寡嗜好平生無所苟取而亦不
以苟費雖官至三品居室服食無所
增惟事閔倫理則捲々每欲自盡嘗
以舊宅之直讓其弟以餘俸之全周
其甥又嘗謂予吾族貧甚且不知李
先賊方有遺田若干吾將以是終先
人之志立義塾焉乃歲出東脩若干
為之兆初公為主事時憤

慈懿皇太后山陵事輒草疏數百言示予
將上之會事定乃已為負外時為會
試同考官有舉要子暮夜來謁公叱
去之終其身不與語今年春大臣復
以例當奉官公奉金華章德懋於是
德懋謝病而歸者幾二十年天下皆
知其賢而卒貞之能奉凡此皆足以見
公之大者蓋公晚歲雖寛厚有容與

世無忤而剛直之氣人固有莫得而
測者予交公久知公最久深為之銘
銘曰

豊而言因而遂不矯以躋軒以覬安
吾常以听其至于嗟乎我銘不愧尚
後之人以考德論世

明故通議大夫南京工部右侍郎黃
公神道碑

賜進士出身中順大夫太常寺少卿兼

翰院侍講學士

經筵講讀官兼修

國史長沙李東陽撰拜篆額

中順大夫太僕寺少卿直

文淵閣纂修 國史

經筵官預脩 玉牒永嘉姜立綱書丹

公姓黃氏本名曜字孔昭以字行更
字世顯世家台州黃岩之洞山今太
平地也然公猶居黃岩其先自昭武

鎮都監緒避五季亂徙自閩者十七世矣曾大父与莊大父諱礼遐有聞于鄉考諱參俊正統丙辰進士兵部主事台之三世卒進士者自茲始公未冠自京師扶母金夫人喪歸比比上耽方公維喪復匍匐返葬皆成禮弟妹俱弱躬抚养育成之貧不齊李初以明經卒不合乃為縣李生卒景泰丙子鄉薦登天順庚辰進士仍

命為工部屯田主事司多積弊公稍持以正同官者不能堪嗾惡吏搆之事竟白彼坐落取而公顧繇是起名遷都水員外郎督造江南饋遺无所受會吏部文選官以事一司為空朝廷慎簡諸曹更補其缺公与焉未幾迁郎中凡天下州縣地方善惡政令簡煩人材賢不肖極力蒐訪耳著籍記罔不周悉而僻涉請托則未嘗少

徇惟守法執論以贊其官之長為之
長者雖不尽用亦以輿議付之有怨
亦籍以自解公有所薦既得則喜見
眉睫或用非其志則退而愀然以憂
先後十五年称文選之賢者必曰黃
郎中黃郎中公既滿九載待次久之
擢右通政督武戰錄黃事：簡無以
自見弘治戊申

今天子大明黜陟丙戌大臣多所更置公
擢南京工部右侍郎時工作繁錢課
頗匱資民間為用公曲為區畫償其逋
以萬計有空隙地十餘所為勢家所
侵奏復之近令大臣得舉方面官公
初薦慶州樊廷璧自知府超擢按察
使繼薦金華章德懋時章以按察僉
事致仕例不得起人益以聽公吏部
侍郎再闕諸大臣以公名偕彭公鳳
儀張公時敏薦雖未調而人望之日

愈不厭偶得熱疾三日遽卒辛亥六
月十七日也享年六十四其子工部
主事甫適以公事至南京遂扶喪歸

訃聞

朝廷賜祭命有司營兆域于委羽山之
原十二月十八日葬焉公体見嚴重
不躁語不戲笑沈靜自守厚倫睦族
以舊居讓弟女弟貧割俸金給之立
義塾擇族子弟為師歲出東修為之
兆讀書尚理致尤精詩格不苟製所
著有定軒集若干卷藏于家配洪人
蔡氏巴東知縣恩之女子男三長傳
世守公志次從次佐皆早卒孫五紹
繹綰約紵綰以善為國子生黃岩之
仕者若寶慶知府謝愚得先生及其
從子方石祭酒皆天下士父交其父
子間最深予用是知公之喪方实
石銘之甫上京師請予銘墓道之石

乃撮其大者為文而系之銘曰
台多賢郡公其顯者官為吏曹實柄
用舍惟

辟威福矧官有伯豈予敢私有厉方
場人以鑿我亦或覘我非吾喪終
弗玷我古亦有言東隅桑榆功我弗
屑矧惟宦途公為六曹實貳卿位人
弗過我謂有餘地我弃其餘歸諸造
物有能肖之公死不羣

侍郎黃公傳

公諱曜字孔昭後以字行更字世顯
姓黃氏唐末有諱緒者為昭武鎮都監
避亂自閩中徙家台之黃岩所居洞
山更數世族益大人稱洞黃曰與庄
有善行生礼遐號松鳩尤邃于李以
剛介好古聞鄉里礼遐生彥俊兵部
職方主事賢名甚著生公二世並以
公貴贈南京工部右侍郎公年十四

遭耿方公与母夫人金氏相繼下世
自京師扶柩返塋哀毀骨立人已謂
黃氏有子既長執友達寧守貿法知
其賢奉為松溪訓導不果公嘆曰士
之出仕乃藉人奉薦耶慨然誓取取
科第以泄其家樓居讀書刻苦特甚
至忘寢食及入邑李家貧乏資給而
學益力遂中鄉試天順庚辰登進士
第初授工部屯田主事同官有貪汚
廢事者與公不合計以擠之無所得
而公之名因起其人既被黜公獨署
司事悉奉而宿弊尽革時適議
慈懿太后山陵公憤其事曰治塋吾耽也
亟草奏疏將上而

朝廷竟從秉謙乃已尋擢都水員外郎
卽署無故例不得改調吏部以公賢
而工官非宜特奏改文選
僉下皆以為宜後擢郎中公持選法最慎

汲；以人才為慮嘗曰國家之用才
猶富家之積粟；積於豐年乃可以
濟飢才儲於平時斯可以濟事自頃
人矯激沽名以閉門謝客為高天下
人才何由知之故公退客至輒延見
詢訪有所得必書于冊徃々量其才
隨其地參之輿論薦于天官鄉用之
務使用之名當其才雖小官卑耽亦
不敢忽或因勢家干請欲私用其人
輒力言其不可時既不能尽沮後其
人多自敗半始服公之正凡在文選
者十五年擢通政司右通政專清武
戚黃又五年始擢南京工部右侍郎
先時工役不息屢假私錢以給才用
歲久多所逋負公至以提奉等司隙
地皆為豪強侵占奏復之以收其利
公署敗于火且重建一新方漸革諸
弊如也田時而公俄以疾卒矣享年

六十四公清介有守自奉進士已有
廉名及授秩以公事之江南雖鄉人
之仕其地者以尺帛來餽亦却去後
同考會試有勢家子暮夜持百金私
謁叱之不容見然終不言其人其震
公事必盡其力非特無私而已終身
儉素雖老且貴如未仕時至待宗族
獨不計惜嘗以舊居悉讓其弟以女
弟貧乏斥俸金養之凡親友患難疾
病必扶植乃已尤不妄交游故布政
使陳公士賢今祭酒謝公名治皆鄉
人之卓然者独以道義相好若刑部
侍郎林公一鶚既歿念其子孱弱為
經紀其喪復輯其事行傳之後奉
詔得薦卒異才以今應府尹樊公廷璧
福建按察僉事致仕章公德懋奏二
人蓋公素所賢者士論以為得人

又

國朝有葉拙訥先生以古行聞請于縣
令特祀于鄉賢祠其慕德好古之心
如此平生問李不倦公暇輒手一冊
日求古書多自校正若方希直先生
遜志齋集歲久散匿人家為會萃成
編他若宋元以來鄉里文詞更輯為
赤城論諫錄并赤城詩集並板刻行
世其所自著質實而理勝有定軒集
若干卷定軒者公之別號也娶浙人
蔡氏生子三傳工部繕營主事居官
有父風次健佐皆早卒孫五欽紹欽
繹欽綰欽約欽絳公既卒

朝廷遣官祭葬如卹典而綰以例為國
子生寬幸交公營繕君因以公平生
為托乃撰次如右而復論之曰周禮
太宰之職掌邦之六典蓋兼六卿
之事無所不掌者也後世特以選舉
為務其屬分任于下為部凡四其職

可謂專矣而文選尤為要秩使其人
不賢雖有賢太宰不能独治百官由
之不得其人此其所以為要也昔毛
玠仕魏為東曹掾所奉皆清正之士
能以儉率人一時士皆以廉節自厲
今觀公之為人蓋亦近之後雖超遷
惜其卒以工官而去雖有智者薦為
已助而竟不用是可嘆也夫玠仕非
其時君子惜之予聞正統間黃岩有

李茂弘考功靜退有守君子人也其
名至今不衰公嘗慕而稱之以追其
遺風孔子曰魯無君子者斯焉取斯
其是之謂歟然則公之子孫視此其
能嗣公之清德也哉

中順大夫詹事府少詹事兼翰林院
侍講學士同修

國史玉牒

經筵官長洲吳寬撰

侍郎定軒黃先生哀辭

南京工部右侍郎定軒先生黃公以
弘治四年六月十七日卒官得年六
十有四公於家君為執友豪寔事公
如師於此聞公之訃為之泣蓋過時
而哀越明年其子工部主事俌以公
群行示豪則又泣曰嗚呼天下所以
期公者何如而竟止此也豈直吾一
鄉之不幸哉初公為吏部郎中慨然
以人才為已任今南京祭酒致仕方
石謝先生誌公之墓曰公每公退必
過予每見其喜則知賢者之進見
其憂則知小人之不得退如是者十
有五年噫此實錄也充公此志湏進
而宰天下可也再擢而至今官嘗再
以吏部侍郎薦不果得其所積者千
百其所施者未一二嗚呼公之所自
期者何如而竟止此也豈直吾一鄉

之不幸哉豪嘗怪吾黃岩雖有名山秀川終僻在南裔不能比中原之宏深博大故士生其間受才多清受氣多薄而受福多不能大以遐在宋如杜清獻王方岩最號顯融而用皆不寃至於今又有公焉嗚呼豈直吾一鄉之不幸哉乃為詞以申吾哀以慰其子之孝恩然則豪之哀之者豈直為吾一鄉之私也哉公墓在羽山蓋仙人窟宅云詞曰

學未得兮志甚確仕既達兮才甚綽蘭為佩兮荷為衣儼高翔兮寥廓世狹隘兮俗好偷公不樂兮不我留兮山高兮江水流明月在天兮照我愁白鶴歸來兮委羽之丘

弘治五年九月既望奉政大夫兵部戚方郎中嵩山戴豪撰

予觀

定軒黃公遺像想其生時狀貌威儀
鬢髮似之然此不過肖其外之所見
者爾至其中之所蘊殆有不可得而
知者焉予與公同年知之最深敢述
以為贊其詞曰

季純而有要志潔而有為公正無私
追配乎前哲剛直無訛迈出乎等夷
重如山不依勢以動介如石不逐物
以移好德者樂其同心近之不厭竊
位者忌其福已遠而亦疑卒乃位不
驟進道不大行而未免冤厥所施雖
然天道福善之意豈茫昧而無知蓋
不于其身必於子孫者殆悠久而不
衰今觀其有子克肖而一不為少有
孫競爽而五皆為奇况繼今以往綿
綿瓜瓞焉知來者又不有大於茲者
乎

東吳張悅贊

南京工部侍郎黃公輓詩序

朝廷有卹賢篤舊之典哀傳士林有校
德焯勤之作公之子主事傅敬編爲
冊以予爲公同年進士請序諸首予
辱公昔厚不可以不文辭惟哀挽之
文其来也久然其来也久然其絕也
特哀其人德而弗壽或壽而弗有位
有位矣或弗顯；矣或弗克大施生
而相知死而悲之不能不形之於言
也其後也乃有賢子孫者哀其祖若
父有潛德幽光弗能以聞於人；惧
其歿世遂泯以蹈夫不仁不智之咎
於是干諸聞人顯士爲焯惜之明著
之此亦仁人孝子之用心君子所不
齊焉者然則傳之称公固非誣比而
士林之焯公又同然一辭公何以致
是哉公台人也自其先世能崇正季

至公尤為識明為才充為行一以篤
倫美俗為主故初為工部主事即正
已格物不阿以道於是奸吏以之逐
濁僚以之免而声誉輝赫聞諸縉紳
由是陞員外郎復優從吏部主典選
舉精鑒博采乎人材而用直舍枉之
合公其暉者又傳之四方由是陞
通政至今我公鄉之知尚擬公入秉
銓衡士大夫之賢皆以為然公竟
未副所望以歿故宜諸公鄉大夫咸
悲悼之不容已也如此而備方且
走京師于當代宗工為碑為銘將樹
之神道勒美岳休於無窮嗚呼若備
也於仁與智庶其無愧是可以慰厥
考於地下是可以式群蒙於世家予
於序也安得不稱之


弘治五年歲次壬子秋九月乙未通
議大夫吏部右侍郎前翰林院侍讀

左春坊中允直

文革殿講官同修

國史太原周經序

定軒別稿卷之十七終



臺灣國家圖書館, NATIONAL CENTRAL LIBRARY, TAIWAN. R.O.C.